

W E G Z

37



1 5 8 3

8  
379



W. K.  
Sinn Wolfgangi Ernsi  
Comini a Solms

Y 3  
m





# Weiber vnd Kinder Apotek.

Das erst Buch.

Von vielen krankheiten der weiber/  
die zuertummen/oder zu kurin/vom haupt an/  
durch den ganzen leip/bis zu den füßen ꝛc.

Das ander Buch.

Von rath vnd sorg/ so man bei seug-  
lingen vnd gar jungen kindlein/ bis sie erwachsen/  
haben sol/ Mit vnderweisung die vielfaltigen zufäll/ so den  
selbigen oft begegnen/ zu versorgen vnd rath zu thun.

Itzunt von newem auß der Apotek. Orthonis Brun-  
felsij/verteutschet. Allen kindtbaren frauen/  
Hebammen/ vnd seugamen vast dienstlich.



Getruckt zu Strassburg vum W. Jacob Cammerlander.

Handwritten text at the top of the page, possibly a title or header, which is mirrored in the reverse side.

Handwritten text below the title, likely a subtitle or a specific reference.

Handwritten text block, possibly a paragraph or a section heading.

Handwritten text block, continuing the text from the previous section.

Handwritten text block, possibly a smaller section or a note.

Handwritten text block, possibly a paragraph or a section heading.

Handwritten text block, continuing the text from the previous section.

Handwritten text block, continuing the text from the previous section.

Handwritten text block, continuing the text from the previous section.

Handwritten text block, continuing the text from the previous section.



Handwritten text at the bottom of the page, possibly a footer or a concluding note.



# Inhalt dieser zweier Büchlein.

Von vielen weiber Kranckheiten.

Das erst Buch/

Cap. i. Von ettlichen Kranckheiten des haupts/  
als der schwindel / unsinnigkeit / schlaffsucht /  
haraufffallen / der schnupp / fallentsucht / vnd der  
schlag zc.

Schlaffsucht. Haraufffallen. Vom schnuppen. i.  
Für die fallentsucht ii.  
Für den schlag. iii. Meloncholei v.

Cap. ii. Von ettlichen Kranckheiten im angesicht  
des weibß / als augen geschwer / stinckent  
fleysch inn der nasen / blutten / stincken /  
der mundt / zungeu geschwer / fistel zc.

Trieffent / rinnent augen / vnd die alwegeittern. v.  
Von stinckendem fleisch inn der nasen v.  
Von bluten auß der nassen vi.  
Von stinckendem athem vii.  
Von zungen geschwer viii.  
So ey in menschen die zung zespaltet ix.  
Für die fistel ix.

Cap. iii. Von ettlichen Kranckheiten der weiber  
an den brüsten / als Brust schweren von wegen  
der geriunnug der milch / von milch ma-  
chen / milch nemmen / Krepß vnd  
andern wunden daran

Cap. iiij. Von ettlichen Kranckheiten des hertzens /  
als zittern vnd onmacht xi.  
Für das hertz zittern xi.  
Für die onmacht xiij.

Register

Cap. v. Von bauchwee / krummen oder darmgicht /  
für das stechen inn der seitten / Beermutter rc.

|  |       |
|--|-------|
| <b>V</b> Das bauchwee                    | xiii. |
| <b>F</b> Für das krummen im bauch        | xiii. |
| <b>L</b> Für die Beermutter              | xv.   |
| <b>F</b> Für das stechen inn der seitten | xv.   |

Cap. vi. Von krankheiten der mutter.

|   |      |
|---|------|
| <b>S</b> Eihz mutter herfür ghat            | xvi. |
| <b>K</b> alt mutter                         | xvi. |
| <b>V</b> erschleymung der mutter            | xvi. |
| <b>V</b> errückt mutter                     | xvi. |
| <b>G</b> eschwulst der mutter               | xvi. |
| <b>S</b> o den frauen ihr mutter auffstosst | xvi. |

Cap. vii. Von der krankheyt menstruum genannt /  
wann das verstopft / oder zunnel ist rc.

|   |        |
|---|--------|
| <b>S</b> o den frauen ihr krankheit verstopft | xvii.  |
| <b>S</b> o die krankheit zunnel flüssig ist   | xviii. |
| <b>F</b> ür den weissen fluß der frauen       | xviii. |

Cap. viii. Von fruchtbarkeit / vnd onfruchtbarkeit  
der weiber / auch von artzney ihrer scham

|   |      |
|---|------|
| <b>V</b> on geschick aller weiber zu empfaben     | xix. |
| <b>O</b> nfruchtbar von vieler feuchtigkeit       | xix. |
| <b>O</b> nfruchtbar von vbriger hitz              | xix. |
| <b>O</b> nfruchtbar von wegen beschlossner mutter | xix. |
| <b>G</b> eschicklichkeit zu empfaben              | xix. |
| <b>W</b> as die frauen fruchtbar macht            | xix. |
| <b>F</b> rauen scham zu artzneien                 | xx.  |

Cap. ix. Von zeichen das ein weib empfangen / vnd ob  
sie ein kneblin oder meydelein trag / vnd wie  
das kindt in mütter leib zunnimt / vnd  
erneckt wirt /

xx.

Register.

|   |          |
|---|----------|
| Cap. x. Das die weiber leichtlich geben/ Für die ander geburt/ vnd das geblüt zureinigen/ auch die tode geburt außzutreiben merckliche artzneien. | xx.      |
| Das geblüt nach der geburt von einer frawen zutreiben   | xxij.    |
| Tode geburt außzutreiben  | xxij.    |
| Cap. xi. Von ettlichen Franckheiten der füß/ Geschwulst/ vnd Krampff der füß.   | xxiij.   |
| Inhalt des zwayten Buchs von der Kinder Zporeck/  |          |
| Cap. j. Wiemann erst geborne Kinder halten solte.   | xxiiij.  |
| Cap. ij. Wie mann kind seugen vnd speisen soll/ vnd wie die seugam gestaltt soll sein   | xxvj.    |
| Cap. iij. Der seugammen milch   | xxviij.  |
| Cap. iiij. Onnatürliche größe der Kinder haupts/ darumb sie wechsel Kinder genannt werden.  | xxviij.  |
| Cap. v. Von der Franckheit genennt dürstig  | xxix.    |
| Capittel. vj. Von wachen.   | xxix.    |
| Capittel. vij. Von dem Gegicht  | xxix.    |
| Capittel. viij. Von der Hellsucht   | xxx.     |
| Capittel. ix. Von der rure  | xxx.     |
| Cap. x. Herte des leibs am stulgang   | xxxj.    |
| Cap. xi. Wann Kindern der maßdarm außghat   | xxxj.    |
| Cap. xij. Wie sich die seugam mit essen vnd trincken halten solle   | xxxij.   |
|   | iiij Cap |

Register.


|   |         |
|---|---------|
| Cap. xiiij. Die kind ordenlich seügen   | xxxij   |
| Cap. xiiij. Wiemann die kind speisen sol  | xxxij   |
| Cap. xv. Ordnung der kinder von dreien Jaren                                    | xxxij   |
| Cap. xvj. Von tranckheiten der kindern zu merem teil<br>züstendig               | xxxiiij |
| Cap. xvij. Von Rauden der kind  | xxxiiij |
| Cap. xviii. Von lämeden kindern züstendig                                       | xxxiiij |
| Cap. xix. Von feüchtigkeit so kindern auß den oren<br>fließent                  | xxxv    |
| Cap. xx. Geschwulst vnd wee der augen   | xxxv    |
| Cap. xxi. Von schilhen  | xxxvj   |
| Cap. xxij. Von zahnen   | xxxvj   |
| Cap. xxij. Von geschwulst vñ das kienbein                                       | xxxvj   |
| Cap. xxiiij. Von blatern die den kinden imm munde<br>werdent                    | xxxvj   |
| Cap. xxv. Von husten vnd enge des athems  | xxxviij |
| Cap. xxvj. Von ondewen/ Erbrechen   | xxxviij |
| Cap. xxvij. Von würmen vnd wee im leib  | xxxviij |
| Cap. xxviij. Brüchlein der kinder   | xxxviij |
| Cap. xxix. Von Harnstein  | xxxix   |
| Cap. xxx. Von rauden/ eissen  | xxxix   |
| Cap. xxxi. Von dem gesegneten   | xl      |
| Cap. xxxij. Von kindts blatern  | xl      |
| Cap. xxxiiij. von zufälligen tranckheiten der kinder inn<br>gemein              | xliij   |
| Cap. xxxiiij. Wie mann die kind halten vñnd ziehen soll/<br>so sie reden lernen | xliij   |





150

Handwritten text in a Gothic script, appearing as bleed-through from the reverse side of the page. The text is arranged in approximately 15 lines and is significantly obscured by large, irregular brown stains.



# Horred.

Leß blöden weiblichen geschlechts hab ich mich  
auch ein mal müssen erbarmen/ vnnnd ihnen eyn  
sunderlich büchlein von ihren gebresten züsamen  
schreiben/ damit sie nit vmb eins jeden gebrestens wil/  
len müssen zum artzt lauffen/ vnd sich schemen. Wei/  
ber künden einander züzeiten wolhelffen inn geheim/  
mañ sie wisten wie. So seint die andn so verschembt/  
das sie ihnen nit wöllen helffen lassen/ ob schon andere  
seint/ diees verstünden. Dieweil nun eyn jeder mensch/  
es sei mann oder fraw/ auch sich vor seimeygnen schat  
ten schamen soll vnd muß/ so will ich den weibern/ die  
selbst schreiben vnd lesen können/ diß büchlein zü lieb  
ein truck geben. Hoff auch sie werdens für ein danck  
annemmen/ dann es ist nit auß schlechten artzten  
zsamen geschrieben/ sunder auß Plinio Secun/  
do/ Auicenna/ Galeno/ zc. vnnnd wie die D.  
Ottho Brunfels inn seiner Apotek züs/  
samen vergliechen hat. Vnd ob sich  
mitler zeit durch weitter erfar/  
nußettwas mer zütragen  
würd/ als ich dan hof/ wil  
ichs inen/ so es inen an  
genem/ nit für/  
halten.



i.  
Weiber vnd Kinder

Apotecck.

Von vielen Kranckheiten

ten der weiber / die zuuerkumen /

oder zukurirn / vom haupt an durch den  
ganzen leip bis zum füssen / Das erst Buch.

Capittel. i. Von etlichen Kranckheiten des  
Haupts / als der schwindel / vnsinnigkeit / Schlaf-  
sucht / Bar außfallen / der schnup / fallent  
sucht vnd der schlag ꝛc.

**S**ein weib den schwindel in kindsnötte /  
kindtbette / oder sunst oberkem / sol man  
ihr also helfen.  
Item nimb Lauendel / mairon / sileris  
montani / pionien somen / Rautten somē  
iedes ein quintlin / Bibergeyl / ratten so-  
en / wolgemüt / yedes ein halbs quintlin / weiß niesß-  
wurtze ij. quintlin / vnd roj. pfeffer körner / ambra vñ  
bisum rilo aloes / iedes vier gersten kerner schwer / dar-  
auf mach ein puluer / dis puluer nimb ein wenig in die  
nasen / das eröffnet die verstopffung wunderbarlich /  
vnd vertreibt den schwindel. Auch wer vast not dz du  
das haupt vor gepurgiert hettest.

Item ein pflaster gemacht von Schelkraut vñ wes-  
gerich vnd ephey mit camillen öl vñnd essig / vertreibt  
A den

Weyber Appöteck:

den schwindel/ so man es auff das bloß haupt legt.

Item ein krantz gemacht von den klein brennenden  
nesseln / vnd vbernacht auff das beschoren haupt ge/  
legt / zeücht es vil bleterlech / die selben thü auff / ver/  
treibt den schwindel.

Du magst auch wol die ader öffen hinder den oren/  
vnd darauff legen Candarides vnd encion / vnnnd also  
ein zeit offen halten / darnach so hails mit einer weissen  
salb.

Item ein rauch gemacht von anis / vnd in die nasen  
gelassen benimpt den schwindel.

Item nimb ambra j. quintel / lignum aloes j. lot / des  
bain von dem hertzen des hirsches iiii. lot / das werd ge/  
stossen vnd gemischt mit rosenwasser / vnd darauß pil/  
lulen gmacht vnd genützt / sein güet für den schwindel.

Borrago saft gemischt mit zücker / vnd getruncken/  
benimpt den schwindel.

Basilien pleter in wasser gesotten vnd getruncken/  
benimpt das schwindeln des haupts.

Coriander oft genützt vertreibt den schwindel des  
haupts.

Cardamömlingenützt auff die kost / vertreibt den  
schwindel.

Item nim senet pleter ij. lot / vnnnd epithimum j. lot /  
vnd werde gesoten auff ij. lot / trinck's vnnnd gemischt  
mit zucker / vertreibet den schwindel.

Birnwitzung oder unsinnigkheyt.

Diese affheit / oder viel mer schwere kranckheit ist  
ettlichen melancholischen weibern fast gemein / das sie  
des

des nachts auffwüſchen / durch anfechtung böſes ge-  
ſpenſts / auß den kindtbetten lauffen / vnd dadurch vñ  
ſünen kumen / den ſol man also helffen.

Effig gemiſcht mit ſaltz / vnd diehend inwendig vnd  
die ſolen damit geribē / iſt faſt güt für die vnſinnigkeit.

Zuſorbium gemiſcht mit öl von ſpica . die ſtirn da-  
mit beſtrichen / vnd das haupt oben / benimpt die vn-  
ſinnigkeit.

Harſtrang ſafft / gemiſcht mit effig vnd roſen waſ-  
ſer / das haupt vnd ſchläff damit geſalbet / iſt güt für  
die dohent ſucht.

Karten kraut / dz die wullin weber brauchen / friſch  
geſtoſſen / vnd auff das haupt gelegt / benimpt die vn-  
ſinnigkeit.

Buchs baum bleter gepuluert / vñ mit lauender  
waſſer eingenommen / benimpt die vnſinnigkeit des  
haupts.

Schwarz nieſwurtz iij. ſtūd gelegt in wein vñ dē ge-  
trunckē / ſo du ſchlaffen gaſt / benimpt die vnſinnigkeit.

Schlaffſucht / ein geſchwer hinten im haupt.

Litargia iſt ein geſchwer gewachſen im hindern teil  
des hirns vnderm fleiſch mit ſchwechung der ſin. Der  
geſchwer ſeint zweierley / Eins löſt den menſchen all-  
weg ſchlaffen / das iſt Litargia vera. Das ander löſt  
den menſchen gar nit ſchlaffen / das iſt Litargia nō  
vera Dieſem geſchwer ſoll man also helffen.

Nimb den ſomen von dem kraut agnus caſtus ges-  
nant / vnd epich ſomen vnd pleter / ſeüd das mit geſaltz  
em waſſer / weſch hinten das haupt damit / benimpt  
das geſchwer hinten im hirn.

Zuſorbium gemiſcht mit öl vñ ſpica . dz haupt damit  
beſtrichen / benimpt dz geſchwer hindē im haupt. 2 ij

Weiber Apdteck.

Item nimb maien blumen ein halp fund / vnd geüß  
darüber güten lauern wein / laß in baissen vier wo-  
chen / darnach so distiliers fünf mal / der wein ist besser  
dann gold / des weins genügt / vertreibt das geschwer  
hinden im haupt.

Kressen samen gepuluert vnd eingenomen in die na-  
sen / reynigt das haupt / vnd vertreibt das geschwer  
hinden in dem haupt Litargia genant.

Senff samen gestossen / vnd damit dz haupt geribē /  
vertreibt das geschwer.

Har außfallen.

Nach diesen krankheiten vnd andern mer / folgt  
das har auß fallen / dem mag man also helfen.

Wermut in laug gesotten mit stabwurtz / damit das  
haupt gewaschen / behelt das har das es nit also auß-  
felt.

Item mit knoblauch safft das haupt gewaschen / be-  
haltet das har.

Lappich vnd stabwurtz gesotten in laugen / dz haupt  
damit gewaschen / behelt das har.

Goldt wurtz vnd stabwurtz in laug gesotten / vnd  
damit das haupt gewaschen / behelt das es nit auß-  
felt.

Vom Schnuppen.

Der Schnupp ist ein flüß vom haupt zur brust vnd  
hertzen. Der kumpt auß viel vrsachen / entweder auß  
grosser kelt / oder auß vberessen vnd trincken / zuzeiten  
auch auß grosser hitz / den soll man also heilen.

Das puluer in die nasen gezogen / des du finst am erste

da

da es vom schwindel sagt/ das öffnet vnd vertreibt vil weetagens des haupts vnd die schnupffen.

Basilien gessen/ oder den safft in die nasen gezogen/ reiniget das haupt vnd vertreibt die schnupffen/ öfnet auch die verstopffung.

Item der rauch von Juden laim in die nasen gezogen/ benimmet die schnupffen.

Zimmet rinden genossen/ benimpt den schnupffen vnd den husten.

Umb Kümmich vnd lorber gepuluert/ leg das in eynem secklin auff das haupt/ das benimpt den schnupffen.

Cubeben genüzet/ stercken das haupt vnd verdreiben die schnupffen.

Cassia ligna gepuluert/ auff ein glüt geworffen/ vñ den rauch inn die nasen gezogen/ benimpt den schnupffen.

Leinsamen auff ein glüt geworffen/ vnd den rauch inn die nasen gezogen/ benimpt den schnupffen.

Von dem Gummi laudano auff ein glüt geworffen/ vnd den rauch inn die nasen gezogen/ benimbt den schnupffen.

Item zepflin gemacht auß Wana/ vnd inn die nasen gezogen/ oder darein gestossen benimpt den schnupffen reiniget das haupt wee.

Kautensamen gepuluert/ vnd inn die nasen gezogen/ benimmet den schnupffen.

Item Bolai gesoten inn wein/ vnd den getruncken/ benimbt den schnupffen.

A iij Für

Weyber Apotreck.

Für den Schlag.

Apoplexia der Schlag ist ein Kranckheit des ganzen hirns/nimbt schnell hinweg alle sinn/ vnd werden verstopfft mit ein grossen geschray die geister des mensch en/stirbt also der mensch gehlingen/dem solmann also für kummen.

Nimb wild Saluay vnd Schlüssel plumen/vnnd Spring wurtz/jeglichs ein lot/Cubeben somen ein quintlin mit weingesottē/vñ mit zucker süß gemacht/dauon genützt/ist gut darzū für den Schlag.

Wer vmbgeben wer mit dem Schlag/der nem Asa fetida/ein Scrupel/dz ist als zweintzig gersten kerner wegen/vnd darzū Pfeffer kerner zwü Scrupel/dz ist als vil als viertzig gersten kerner wigt/vñ Senfkerner ein quintlin/vnd die zūsamen gepuluert/vnd das inn der wochen zwei mal genützt mit Lauender wasser/S darff obgeschribner Kranckhait den selben monat nit sorgen/diß soll gschehen inn dem ersten viertail des monats/vñ für die fallensucht.

Wöllicher alle morgen zwei Senff kerner/vnd zwey Pfeffer kerner einschlickt nüchter/der ist den selbē tage sicher vor dem Schlag.

Nimb Maien plümen ein halppfund/vnd thū dar/ über güten lautern wein/vnd laß darinn bayssen vier wochen/darnach seühe den wein ab/vnd distilier den durch ein Alembick fünff mal/dieser wein also disti/ liert/ist besser dann gold/wer disen wein mischt mit pfeffer kerner/vnd ein wenig Lauender wasser/vnnd den nützet/der bedarff sich den selbigen monat nit be/ sorgen vor dem Schlag.

Für



Für den schlag Lauender plumen gebeißt inn wein  
vnd den distiliert/ vnd inn dem mund gehalten/ so sich  
der breste aiget/ es behelt dē mensche bei seiner sprache.

Erdszwiesel ist fast gut für den schlag.

Wer den schlag hat/ oder darzu genaigt wer/ der sied  
Ayter nesseln mit wein / vnd trinck den oft / es ver/  
gehet.

Für die fallent sucht

Was die fallent sucht sei weiß iderman wol/ Got er  
barns/ wie sie aber zu artzneien sei/ so es Got wil/ folgt  
hernach.

Welcher die fallent sucht hat/ 8 nem Holwurtz zwei  
lot/ vnd gummi/ Euforbium / vnd Bibergeil / jeglichs  
ein quintlin/ vnd seud das mit Baumöl / vnd schmirb  
damit den rugtmaißel/ von dem hals bis auff den aff  
tern/ es hilfft.

Rosmarin vud Rauten gesotten / ist gut genützet  
wider die fallent sucht.

Weißörilin safft mit wein gesoten/ ist gut wider die  
fallent sucht.

Den safft von Sinaw drei morgen nüchteren ge/  
truncken/ ist für die fallent sucht/ darnach laß ein ader  
schlagen/ auff der lingken hand / zwischen dem zaiger  
vnd dem daumen/ du geneußt zuhand.

Gefeilt goldt ist gut genützet inn der speiß oder inn  
dem wein / oder gemengt mit einem Electuario / ge/  
nant Anacardium/ oder Yrologodion / wider die fal/  
lent sucht.

Wellicher die fallēt sucht hat 8 nem Ambra vñ Hirtz  
schhorn/ jeglichs gleich vil/ vñ lege dz auff gliend kolē  
vnd laß den rauch geen in hals/ es hilfft wol. Wel

Weyber Apotecck.

Wellicher die fallent sucht hat/der trinck von Betho  
nien kraut er geneist zu hand.

Der rauch von Blacte bizantie/ benimpt die fallent  
sucht.

Balsam ist gut denen / die da die fallent sucht habē/  
außwendig auff die prust gestrichen.

Coriander somē genützt/ ist gut für die fallent sucht/  
aber doch soll man sich diß massen/ das des nicht zu  
vil genützt werde / wanner ist schedlich / gleich dem  
Bilsen somen.

Cubeben gesoten inn wein/ mit Rosmarin/ vnd dar  
von getruncken/ ist gut wider die fallent sucht.

Biber gail getruncken mit wein/ ist fast gutt für die  
fallent sucht.

Rot stainprech puluer genützt inn der speiß/ ist gutt  
wider die fallent sucht.

Beonia wurzel den kindern an den hals gehenckē /  
behüt sie vor der fallent sucht.

Fünff finger kraut pletter in wein gethō ober nacht/  
vnd morgens getruncken/ ist gut für die fallent sucht.

Nimb Leußkraut samen ein halb pfund / vnd seüd  
den wol inn wasser/ vnd darnach zerknüsch den samē/  
gleich einē prai/ vñ misch darunder Zucker ein pfund/  
vñ temperier diß mit dem wasser darinn der somen  
gesotten ist/ diß ist fast gut zu der fallent sucht.

Feld kümel getruncken mit wein / vnd darunder ge  
misch langen Pfeffer/ ist gut für die fallent sucht.

Verbena auß der erden gebrochen / so die Sonn ist  
im Wider / mit Beonien körner umbhangen / vnd an  
den hals gehenckē/ ist gut zu der fallenden sucht.

Was

Seud Allant wurtzel inn lauter m wein / vnd laß den kalt werden / darnach stoß darein ein glüenden stabel / dz der wein zum anderen mal warm werd / vnd trinck den wein als warm du den leiden magst / der tranck 89 treibt die melancoley.

Gold benimpt die Melancoley von dem menschen.

Ambra benimpt die Melancoley oft genützt.

Seud Borragen safft mit Senit / vnd wann er genüg gesotten hat / soll man den seyhen durch ein tüch / vnd darunder mischen den Sirup gemacht von Borrago / vnd den getruncken des abents vnd morgens / benimpt die Melancoley zu hand von dem menschen.

Basilion genützt / benimpt die trawrigkeit die da kompt von der Melancoley.

Epitum vnd Senit vnd Hirtz zungen gesoten mit wein darein vermisch / gestossen bein vō eines Hirschē hertz / ist gut wider die Melancolei des hirns.

Lasurstein benimpt die Melancoley des menschen.

Mirabulani citrini genützt / treibt auß die Melancoley.

Nasen hauß kraut / dient fast wol der Melancoley / vnd an seimbals getragen / macht sie kün / vñ benimpt in die forcht.

Reubarbara genützt / benimpt die Melancoley / es machet frisch plüt.

Cap. ij. Von ertlichen franckheyten im angesicht  
des weibß / Als Augen geschwer / stinckent fleisch  
inn der nasen / blutten / stinckender munde /  
Zungen geschwer / fistel :c.

B Triefs

Weyber Apotteck.

Trieffent / rinnent augen / vnd die allweg eyteren.

**S**oldwurtz mit Tution vermischet / vnd in die augen gethon / ist gut für das rinnen vnd tryeffen der augen.

Schlehen safft vnd Aloe gemischet mit Rosenwasser oder Fenchel safft / vnd vmb die augen gestrichen / benimpt das rinnen.

Corrallen vnd krafft mel gepuluert vnd in die augen gethon benimpt das fließen.

Rosen Knöpf in wasser gesotten / vnd in die augen gethon / benimpt das fließen.

Tormentillen wurtz in wasser gesotten / vnd mit Tution vermengt / in die augen gethon / benimpt den flus.

Item essig mit honig gesotten / vnd in die augen gesalbt / benimpt das aiteren.

Den safft von bilsen samen vber die schwerenden augen gestrichen / benimpt inen das aiteren dauon.

Sarcocolla gemischet mit krafft mel vnd zucker / benimpt inen das aiteren / so man es darein thut.

Wasser vnd pfeffer kraut zerknischt / vber die augen gelegt / benimpt inen das aiteren.

Von stinckendem fleysch inn der nasen.

Polipus ist ein stinckent geschwer vñ oberigs fleisch inn der nasen / das kumpt von groben vnd schleimigen feuchtigkeiten / vnd henckt oft für die nasen her auß.

Nimb storiceeris / das ist eisen schüm oder zinter iiii. quintē / kupfer wasser / grüspan / schwartz nieswurtz / jedes

Ides j. quintlin/reinbergin schmaltz/dz sein genüg sei/  
das mach zu einer salb/vnd legs ein.

Für den gestanck/nimb kalmus vñ nieren gestossen/  
vnd blas es jm hinein.

Nimb aloepaticum/runde holwurtz / jedes j. lot / vn  
geleschten kalck / vnd ein halbs lot gepranten dillen/dz  
stoß rain/vnd mischs mit honig/vnd seüds ein wenig/  
vnd legs mit fäßen in die nasen.

Nimb x. lot rosen öl/x. lot wachs / vnd den safft von  
den Juden kirschen viij. lot / bleyweiß iiij. lot / gebrant  
blei ij. lot / Tution ij. lot / weyrach j. lot / darauß mach  
ein salb vnd brauchs.

Item stoße ein ein stück linentzian in die nasen/vnnd  
laß vber nacht stecken / so macht es weit / darnach thū  
diß selblin darein/dz heilts. Nimb schelwurtz safft iiij.  
lot / species geme / mastix / weiß weyrach / ides j. lot / bom  
öl / das sein genug sei / das seüd ein wenig mit einand/  
darnach legs in die nasen / es hailts gar bald.

Anthimonium gemischt / vnd apostolicon / vnd zäp  
flach darauß gemacht / vnd in die nasen gethon / hailt  
das geschwer Polipus genant.

Nimb cipressen nuß / vnd stoß die vnd misch mit fey  
gen / vnd thū es in die nasen / es hailt polipus.

Geprent ertz gemischt mit oxicrocium / vnd inn die  
nasen gethon / hailt polipus.

Erde öpffel gepuluert / vñ inn die nasen gethon / heilt  
polipus.

B ij Vast

Weyber Apotec.

Vast bluten auß der nasen heyl also.

Ist der fluß des blüts vom haupt / oder von der leber / so schlag im die haupt adern / oder leber ader / vñ leg im vber kalte pflaster oder tücher in essig genezt / vñ vber die stirn / leber / vnd die gemecht gelegt.

Item nimb trocisc gemacht von helffenbain / oder von terra sigillata / vnd zertreibe in essig / vnd legs vber die stirnen.

Item ein gütpflaster dz leg vber die nasen vñ stirnē / verstelt das plüten / Nimb Mastix / Weirauch / Trachen plut / gebrent hasenhar / gepzanten viltz / jedes ein quintlin / das mische mit dem weissen eins ays / vnd leg es vber die nasen zc.

Item ein puluer welliches gerecht ist zū stellen dē fluß des plüts / so es in die nasen gethon wirt / Nimb Mastix / Weirach / Mirren / Gumie / Sarcocolla / jedes ein quintlin / plütsstein / tracken plut / jedes ij. quintlin / nessel safft / rauten safft / jedes das sein genüg sei / das reyß vnder einander vñ laß trucken werden / vnd machs zū einem puluer / vnd thū es in die nasen.

Item hencck dem menschen an halß nesselwurtz / vnd rautē wurtz / rein gewesen / so verstat es vō stund an.

Item holder pletter gestossen vñ in die nasen geblasen / verstelt das pluteilents.

Item Cipressen öpffel oder mintzen geschmackt mit essig / verstelt das plüten der nasen.

Item plüt einem das recht nasloch / so laß im auff d rechten hand die leber ader / bei dem klainē finger / Ist es aber auff der lincken seiten / so laß im auf der lincken hand die miltz ader / bei dem kleinen finger.

Wo

Wo aber das nit wölt helffen / so nimb ein end oder  
salbend von einem tuch / vnd binde jm die arm auff der  
mauß oberhalb dem elnbogen / vñnd bind sie hart an  
baide armen / vnd thü es jm ober ein weil auff / vñnd  
binds wider zü / das thü so lang bis es verstat / vñ bind  
jn nit herter / dann als man ein bindt dem man lassen  
will / darnach gib jm zü trincken diß nach geschriebem  
wasser.

Item nimb weggras wasser / brait wegerich wasser /  
rossen wasser / jedes zwei lot / vnd thü vnder die wasser  
diacoralli j. lot / vnd gib ihm das zü trincken / vnd thü  
ein gaffer inn ein tüchlin / vnd laß jn stettiglich dar  
an schmecken.

Nimb das gelb semlin in den rotten Rosen ein lot /  
Trachen blüt / Terra sigillata / Bolus armenus / jedes  
ein quintlin / das mach zü einem puluer / vnd misch dz  
mit einem weissen eines ayes / vnd mach zöpflach mit  
Baumwoll / vñnd stoß sie inn die nasen / oder Nasen  
har.

Nimb Nespelen laub / mit Wegerich sommen / vñnd  
Braunellen das stoß inn die nasen.

Nimb Dannen kerner vnd puluers / vnd misch mit  
Ayer weiß / vnd thü es inn die nasen so stehet es.

Nimb Taschen kraut / vnd thü es inn die nasen / vnd  
bind das kraut auff die hand / auff dz geäder / dz plütē  
verstat.

Du magst jm sein gemecht hencken in Lß. g oder inn  
kaltes wasser / vñ leg in ein tüch vmb den hals genetzt  
inn kaltem wasser.

Nimb groß Walwurz / Gallus / Kupffer wasser /  
B iij Alum /

Weyber Appöreck:

Allun/ Aloepaticum/ vngelocht kalck / Gybs / Colo-  
fonien/ weirauch/ Mühlstaub / vnd hasenhar / dz misch  
vnder einander / mit eier klar / vnd stoß es mit Baum  
wollinn die nasen/ es verstat.

Nimb weiß kislung vnd leg die inn ein kalts wasser/  
das sie kalt werden / darnach für den krancken in ein  
keller / vnd zeuch in nackt auß / vnd blüt im dz recht  
nasloch / so leg im ein stain auff die rechten seitten / auf  
die leber / oder auff die lincken seitten / blüt im anders  
das linck nasloch / vnd schlag im ein tüch vber die stirn  
inn essig genetzt.

Item setz einem ein grossen kopff oder ampel auff  
die prust / auff welcher seiten das nasloch blüt / vnd  
laß nicht zu lang stan / vnd gib im dann Athanasia  
zu essen zc.

Nimb geprennt papir / Weirauch / Aloes / Kupffer  
wasser / das misch mit ayer klar / vnd thü es inn die  
nasen.

Item Accatia vermischet mit Weggras safft / vnd  
inn die nasen gethon.

Item Coriander gebeißt inn essig / vnd Weggras  
safft ist gut für blüten der nasen.

Blüt stain inn die hand genommen verstat dz plut.  
Gallöpfel mit Täschen kraut safft / oder Weggras  
gemischet vnd inn die nasen gethon.

Mumia gemischet mit wein / vnd den getruncken/  
verstat das pluten der nasen.

Weirach / Gallöpfel / gemischet mit Lauch safft / vñ  
inn die nasen gethon / verstat das pluten.

Weiden pletter puluer getruncken mit essig / verstat  
dz pluten der nasen.

Don



Von dem athem/ oder stinckendem munde.

Ein stinckender athem od̄ munde begibt sich manch  
erlei/ kumpt ettwann auß feulung der zeen/ ettwann  
auß feulung des ingewaidts/ das mag mann also heis  
len.

Aromaticum rosarum Gabrielis inn den mund ge  
halten/ vertreibt den bösen geschmack des munds vnd  
der zån.

Negelin vñ Paradis holz im mund gekewet/ macht  
ein güten geschmack.

Item ist der geschmack vō feule des munds/ so wesch  
den mund mit Salbei wein/ vñ nim̄ darnach Mirren  
ein weil inn den mund/ darnach so wesch den mund wi  
der mit Salbei wein/ vnd nim̄ ein stücklin Galgant  
inn den mund/ das vertreibet den geschmack/ der zån  
vnd munds von feule.

Leppich samen genützt/ macht ein wol riechenden  
mund.

Lignum aloes inn dem mund kewet/ benimpt den  
vbeln geschmack.

Coriander mit Zucker vberzogē vñ genützt/ macht  
ein woll riechenden mund.

Galgant inn den mund gehalten/ benimpt den ges  
schmack des munds.

Item die rinden von dem baum Citrum gesotten  
inn wasser/ vnd den mund damit gweschen/ benimpt  
das stincken des munds.

Fenum

Weiber Apötheck.

Fenum grecum samen inn wasser gesotten / vnd den mund damit geweschen / benimpt im das vbel riechen.

Münzen inn wein gesotten / vnd getruncken benimpt das vbel riechen.

Manus christi genützt / macht ein wolriechenden mund.

Item ein wenig Biscum gekewet / macht den mund wol schmecken.

Zitwan wurtz oft genützt / macht ein vast wolriechenden mund.

Zucker darinn ein wenig Ambra gemischt wirt / vñ den genützt / macht ein wolriechen athem.

Vom Zungen geschwer.

Das geschwer der zungē ist von mancherlei vrsach / etwann von einem fluß herab von dem haupt / wellich er scharpff ist / etwann sunst von einer scharpffen feuchte / dem solt du also helfen / Zumersten laß ihm von der haupt ader / darnach purgier in mit disem tranck an einem morgen fruw / Nimb cassie extracte ij. lot / aque prunorum et lactis ides j. lot / darnach setz in ein ventosen vnder das kinn / vnd gib im dise artzney in den mund / Nimb rosen wasser / essig / jedes j. tail / nacht schaten safft halb als vil / damit laß in den mund oft spülen / vnd so du maynest das geschwer sei wolzeitig / so gib im der latwergen diamoron genant / zertriben in essig / inn den munde / oder rosen honig mit essig vñ wasser geriben. So es nu genügsam gerainiget ist / so gib im des tags oft inn dem mund dise artzney.

Nimb Tormentil / Saluay / Sant Johannis kraut /  
Schlehen

Schlehen wurtz / jedes ein lott / das seüß inn wein / vnd  
 laß dann den siechen inn dem mund halten / so hailt es  
 bald.

Aloe mit wein vnd honig gestossen / vnd das inn den  
 mund gehalten / benimpt dz gescherpffe auf der zungē /  
 oder zanflaisch.

Item das feücht ding von den Rütten kernern / ges  
 mischt mit Zucker / vnd das inn den mund gehalten /  
 benimp die scherpffe der zungen.

Gummi arabicum zertriben inn wasser / vnd in den  
 mund gehalten / benimpt die scherpffe.

Münze gesoten inn wein vnd den gehalten inn dem  
 mund hailt die zungen.

Fünffinger kraut gemischt mit honig / vnd inn den  
 mund gehalten / hailt die zungen.

Item Wies gemischt mit honig / vnd inn dem mund  
 gehalten / hailt die zungen.

So einem menschen die zung zerspaltet / oder reyßt von  
 scharpffer hitz / wie mann jm helffen soll.

Streich jm dise artzney darauf / Nimb Muscilagi  
 nis / Psilij / Muscila Dragaganti / Gumi arabici / jes  
 des ein quintlin / Sirup violarū zwai quintlin / Tha  
 marindi drei quintlin / samen vō Portule assi ein halb  
 quintlin / Spodiū drei quintlin / Campher ein wenig /  
 das misch / das es werd gleych als ein salb / vnd streich  
 es auff die zungen / vnd ober ein stund so wesch es her  
 ab mit Rosen wasser / vnd streych es darnach wider  
 bin auff.

C Für

Weyber Apöteck:

Für die Fistel.

Ein laug gemacht von bircken äschen/ vnd die Fistel darmit geweschen/ oder mit Alon wasser/ darnach hol wurtz darein gestreuwet/ hait die.

Lynpflaster gemacht von haber mel/ vnd mit lorber öl vermengt/ ist güt wider die fistel.

Alon gepuluert/ vnd gemischt mit regen würmen/ vnd darauß gemacht ein salb/ die salb hait die fistel.

Wider die Fistel/ Nimb saltz geprannt inn eynem di gel/ vnd weinstein/ vnd danen schwam züsamen gepul uert/ mit h onig vermengt/ vnd mit einwiechen in dy Fistel gethon/ sie hailet.

Eschen gemacht von Naurrauten/ vnd inn die Fi stel gelassen/ hailet sie.

Camedren gestossen/ des gleichen das öl dauon ge macht/ vnd in die Fistel gelegt/ vnd darein gelassen/ heilet die zu hand.

Weißnießwurtz safft in die Fistel gelassen/ ist sie wol fegen vnd hailen.

Geprannt ertz gemischt mit Honig vñ mit Seiffen/ vnd diß gelassen inn ein Fistel/ heilt in.

Niegelen kraut gestossen/ vnd den safft in die Fistelen gelassen/ halt in zu hand.

Wilder schwertel wurtzel die da inn der erden wechset die letst ist den bösen Gründt haile/ in den Fistelen/ die oben auff der haut gar klein scheinen/ vnd doch inwen dig tieff vnd weit vmb sich fressen/ So nimb diser wur zeln ein lot/ vnd mische darunder Spongrün vnd Weinstain öl/ jedklichs ein quintlin/ vnd leg das dar auff

auff/gleich einem pflaster/das sucht den Gründt/vnd  
haylet den schaden/vnd diß ist bewert worden.

Klein Later Kraut gepuluert vnd gemischt mit es-  
sig/vnd das lassen ston alls lang biß das puluer truck-  
net inn dem essig/diß gethon in die Fistel/vnd inn alle  
böse schäden/reiniget die fast wol/vnnd hailt die zü  
hand.

Wilder Klee samen ist der aller best som den man fin-  
den mag zü den Fistelen/vnd zü dem Krepes/vnd Feig  
platern.

Zeitlosen gepuluert vnnd gemischt mit Venediger  
seiffen/vnd gemacht ein wiechen mit Baumöl/diß in  
die Fistel gelassen/also das dz puluer mit der seiffen vñ  
die wieche hang/es haylt die on zweiffel bald.

Wegtritt safft hailt die Fistel/darein oft gespritzt  
on vnderlaß.

Braiten wegerich safft inn die Fistel gelassen/heilet  
die.

Der safft oder die milch von Springwurtz/inn die  
Fistel gelassen/hailt in von grund auß.

Erde öpffel gepuluert/vnnd die inn die wunden der  
Fisteln mit weyechen gelegt/rainigt dz faul flaisch auß  
wunden.

Cap. iij. Von etlichen Franckheyten der weyber an  
den brüsten. Als Brust schweren von wegen der  
gerinnung der frawen milch/Von Milch ma-  
chen/Milch nehmen/Krepes vnnd  
andern wunden daran.

C ij An

Weiber ApotecK.

**A**ldes manns vnd weibs brust außwendig seint  
in dem fleisch zwo brustingeleibt / welche von art  
vnd natur kalt vnd feucht / auch von adern / ar-  
terien vnd neruen mit eyner hölin oder lucken fleisch /  
wie ein schwamen außgefüllet / in welchen viel gebluts  
bei den weibern ist / vñ von wegen der zeit der empfeng  
knusß eins kindleins / in ein wisse milch verwandelt  
würt . Die wirt je reicher vnd besser / je natürlicher sie  
sich helt mit speiß vnd trincken . dann von natur / hun-  
ger / grosse arbeyt / vnd nach der geburt kein wartung /  
nit alleyn das geblüt vnd milch / sunder auch alle na-  
türliche kreft mindern vñ trencken . Darumb je besser  
wartung vnd narung / auch gesunde natur / von nöte  
volkummne kindlein erziehen muß . Dweil nun solchs  
offt obersehen wirt / vileicht durch armut zūzeiten / etc  
wann durch sarlessigkeit / oder onwissenheit / vnd dar-  
umb grosse schaden darauß kummen / so wöllen wir ett-  
liche artzneien darfür setzen .

Für geschwollen brüst von wegen der gerimmung  
vnd dickung der frauen milch.

Nimb Bonen vnd linsen zerstoßen / mit essig gesot-  
ten / vnd in ein tüchlein oder secklein darüber gelegt /  
darnach ayerklar vñ roßöl vndereinander gethon /  
die brust damit bestrichen .

Auch mag man leinsamen zerstoßen / mit honig sie-  
den / vnd darüber legen .

Bonen mel vnd köiwurtzel vntereinander gestoßen /  
vnd ober gelegt .

Fußbletter der frauen inn busen geben / hilfft wol  
zū geruener milch .

Wann

Wann einer frauen die brust weethüt / die neme weggerich oder wegweiß / zerstoß wol / vnd binds ober die brust. Oder nim ziblen vnd erbsen / zerstoß die mit alten schweinen schmeer / das leg for inn wasser / dz kein sa. dz darbey bleib / vnd mach darauff ein pflaster ober die brust.

Leppich samen mit Fenchel safft genützt / hilfft den geschwollen prusten / das sie von vberiger milch wegen nicht schweren.

Den safft von wildem Leppich / mit ybisch wurtz gemengt / vnd auff die brust gelegt / benimpt dz schwerē.

Goldwurtz zerstoßen / vñ mit wein heffen gemischt / vnd auff die prust gelegt / benimpt inen das wee vñnd schweren.

Rosmarin plumen inn wein gesoten / vnd den nüchtern vnd zu abents getruncken ist güt den schweren prusten.

Gersten mel mit saiffen vñ balsam kraut gemischt / ist güt der brust.

Camepitheos in wasser gesoten / vnd auff die schwerende prust gelegt / ist güt

Swertel wurtz inn wein gesoten / vnd getrunckē / benimpt das schweren inn der prust der frauen.

Bilsen samen inn wein gesotten / vnd den gelegt auff die schwerende prust / ist güt.

Münzen zerstoßen auff die prust gelegt / benimpt inen das schweren von der eingeschopfen / gerunnen milch.

Weggras safft gemischt mit rosen öl / vñnd butern / vnd auff die prust der frauen gelegt / benimpt inen dz schweren.

C iij Was

Weyber Apoteck.

Was den frawen die milch mere inn den brüsten.

Dillen samen / vnd das kraut inn linsenprü gesoten /  
vnd oft genützt / meret vnd bringt die milch den fra-  
wen.

Eniß vnd Fenchel samen genützt / bringt / vnd meret  
die milch / ob es auch inn öl gesoten vnd vber die prust  
gelegt wirt.

Basilien samen inn wein gesoten vnd geprauchet /  
bringt die milch.

Senff samen mit lactuca oder köhl gekochet / vnd ge-  
nützt / bringet die milch.

Fenchel samen oft genossen / bringt vil mich der fra-  
wen.

Merretich samē mit Honig gestossen / vñ gebraucht /  
bringet vil milch.

Was den frawen die milch vertreibt vnd verschwindt.

Lappich samen genützt / verschwendt die milch den  
frawen.

Wüntscherling / das kraut vnd wurtz zerknischt / vñ  
auff die prust der frawen gelegt / benimpt inē die milch.

Ratten samen inn essig gesoten / vnd auff die prust  
gelegt / vertreibt die milch darinn.

Für den Krebs an den frawen brüsten / oder sunst  
an heimlichem ort.

Item so die fistel oder Krebs an dē brüsten / oder sunst  
wer / so nimb geiß kot / temperier den mit honig / leg  
darüber / so nimbt es das alles hien / vñnd sunst alle  
vnstetigkeyt.

Esch



Esch von eym hundtstopff darinn gestrewet / tödt den Krebs.

Odermengen inn aller speys gessen / ist dem fast gütt & den Krebs hat / wann er geneußt zü hand.

Bawren eppich safft / hait den Krebs / gemischt mit essig / vnd darauff gelegt / wie ein pflaster neun tag nach einander / so hilfft es.

Nimb osterlucy vnd aloepaticum / jegklich gleich vil / vnd misch darunder rosen honig / vnd mach dar / auß ein pflaster / diß ist gütt genützt / allen alten schädē / als dann ist der Krebs / fistel / der wolff / wie die sein mügen / an den bainen / vnd anderstwo / haylt es / senfftig klich darauff gelegt / Vnd die scheden oder presten sollen vorhin geseibert werden mit weinstein öl / oder was ser das mit mirren gesoten ist .

Die pletter von rosmarin / vertreyben den Krebs / die darauff gelegt.

Schieß glas dient fast wol zü dem Krebs / das puluer darein gestrewet.

Allun gepuluert / vnd gemischt mit regen würmen / vnd darauff gemacht ein salb / dise salb dienet wol zü dem Krebs / darüber gestrichen / vnd darauff gelegt als ein pflaster.

Kerbeln gepuluert vnd gemischt mit Honig / vnd gelegt da der Krebs wechset / hait in.

Nyter nessel somen gepuluert / vnd inn den Krebs gestrewet / haitet ihn.

Weyber Apotect.

Caput . iij . Von etlichen Franckheyten des hertzens/  
als zittern vnd onmacht.

**L**ignum aloes / das ist ein kostlichs holtz / Dis holtz  
gepuluert / vnd oft genutzet / ist gut für das böß  
hertz.

Das silber sterckt das hertz / vnd macht ein güttts ges  
plut.

Ochsen zungen stettigs gessen / vnd die genutzt mit  
wein / vertreibt das hertz gespan.

Wilder galgan oft genutzt / sterckt das hertz.

Endiuin / sterckt das hertz das siech ist von hitz.

Lapis margarite / das seind berlin / die reinigen das  
hertz plut / vnd sterckt das hertz.

Wellicher beschaben gold oft nutzt / benimpt dz zit  
teren des hertzens / das da kompt von einer feüchtig  
keit.

Borago plumen / die gessen oder darab getruncken /  
benimpt das hertz zittern.

Cordiaca / das ist hertz gespan / das kraut gestossen /  
vnd den safft beraitet mit Zucker / vnd den nüchter ein  
genomen / ist gut für das hertz zittern.

Cardamomum / ein frucht also genant / vnd nimb  
des puluers ein quintlin / vnd trinck das mit wein / od  
mit einer prüw gessen es hiffet wol zu dem zittern.

Wellicher das hertz zitteren hat / der nemb gantzen  
Kalmus / vnd syed den inn wasser / vnd trinck des abets  
darvon.

Corellen stercken dz hertz / vnd oft genützt / benimpt  
das hertz zittern.

Epitio

Epitimum / die fassen auf dem klee / die oft genützt  
ist gut für das hertz zittern.

Galga oft genützt / ist gut dem zitterten hertzen.

Volgels zung oft genützt / benimpt dz hertz zittern.

Poma äpffel / die rinden darvon roch gessen stercken  
das hertz / vnd benemmen das hertz zittern.

Spicanardi getruncken / mit kaltem wasser / benimt  
das hertz zittern.

für die onmacht / Sincopis genant.

Rosmarin in wein gesoten mit Dianthos gemischt /  
ist gut wider onmechtigkait.

Ein halb lot cubeben gepuluert / vnd genützt mit  
Paris wasser / ist gut wider onmechtigkait.

Cardamomum / ein frucht also genant / diß ist gut  
genützt denen die groß onmechtigkait haben.

Galgan genützt mit dem safft borrago / benimpt vil  
onmechtigkait.

Wuter kraut gesoten inn wein / ist fast gut für groß  
onmechtigkait / die do kompt von kelte.

Os de corde cerui / ein bein inn eins hirschen hertzen /  
ist fast gut den menschen die onmechtig seind.

Rosen wasser getruncken / ist fast gut denen die groß  
onmechtigkait haben.

Sene / also genant / das mit wein gesotten / vnd mit  
ein wenig Ymber vermisch / ist gut wider onmechtig-  
keit.

Spicanardi getrunckē / mit kaltem wasser / benimt  
die onmacht.

Satureia / gartenöl / oder sedenei / von disem kraut  
getruncken / ist gut denen die onmechtig seind.

D. Imber

Weyber Apdrtreck

Imber vermischet inn die kost/ist fast güt/die inn ons  
mocht fallen.

Caput . v . Von Bauchwee/krimmen oder darm  
gicht/ genant Colica passio/ vnd für das stech  
en inn der seitten/ Bermutter rc.

für das Bauchwee.

**R**ütblauch gestossen/ vnd darunder gemischt cori  
ander / vnd also genützt mit wein / der tranck  
waichet den bauch.

Adermeng safft getruncken / vertreibt das bauch  
wee.

Bawren eppich/ oft genützt / vertreibet das bauch  
wee.

Anetum ist dille/ gesotten/ vñ getruncken vertreibet  
das bauch wee.

Eniß oft genützt/ ist güt für das bauchwee.

Goldwurtz gesoten inn wasser / vnd das getrunckē/  
waichet den bauch.

Kosmarin wurtzel gelegt inn wein / mit dem kraut  
nacht vnd tag/ genennt Paritaria/ gesoten/ vnd ge/  
truncken/ weichet den bauch.

Weißörilin safft/ mit honig wasser vermischet ist güt  
wider das bauchwee.

Pasilien pleten in wasser gesoten/ vnd vber den bauch  
gelegt/ benimmt das bauchwee.

Korbelen / oft genützt / benimmt den weethumb  
des bauchs.

Corallen gepulvert/ vnd getruncken mit regewasser  
benimmt des bauchs wee.

Attich

Allich gesotten / vnd gessen / erwaichet den herten  
bauch.

Für den geschwollen bauch / nimb ein quintlin ma  
ioran / vnd weißlilienwurtz ein quintlin / vnd weißnies  
wurtz / zehen gersten kerner schwer / vnd violen plumen  
ein halb quintlin vnd mischt diß gestossen zusamen /  
vnd nimb diß inn einer erbiß prü / es hilfft.

Des wassers vō gesotten linsen getruncken / weichet  
den bauch /

Bingel kraut oft genützt / ist fast güt der ein gesch  
wollen bauch hat.

Peonia / ist menwen wurtzel / daruon getruncken mit  
wein benimpt das bauch wee.

Engel süß gesoten mit eniß / Fenchel / vnd kümel / jeg  
klich gleich vil inn einem pfund wasser / vnd das ge  
truncken / macht den bauch rain / vnd treibt auß vil  
böser feuchtigkeit.

Für das krimmen oder darmgicht imm bauch /  
genannt colica passio.

Stabwurtz oft genützt / verzeret die vberflüssige  
feuchtigkeit die in den dermen sind / daruon ein krank  
heit kompt genant colica passio / das ist das krimmen.

Neuserling vnd springwurtz / vnd kümmel gesoten  
inn wein mit ein wenig Honig oder Zucker vermengt /  
daruon genützt / ist güt wider das darm gicht.

Für das krimmen inn dem bauch / Nimb ij. lot dañen  
schwam / vnd misch das mit wasser / darinn gesoten  
pappelen / veiel kraut / vnd das kraut tag vnd nacht /  
vnd die wurtzel portulaca / genant burgel / vnd menge  
diß mit baum öl / vnd Cristier dich damit / es hilfft.

D iß Brus

Weyber Apotec.

Buscus/ist ein baum/nimb die wurtzel vnd eniß/vñ fenchel/eins als vil als des andern/vnd stoß diß zū puluer/vnd misch darunder Zucker/vnd nimb des nüchtern einen gütten löffel vol/es bringt winde inn dem leib/vnd benimpt grimme inn dem gedärm.

Für dz grimen inn dem leib/ist güt Wördistelkraut/mit einem cristier/mit bingel kraut safft vermengt.

Wild mozen/mit pappelen vñ bingel kraut gesoten/mit wein vnd wasser/vnd auff den nabel geschlagen/ist gut wider das darmgicht.

Allant wurtz kraut/mit dem kraut tag vnd nacht/vnd mit öl vermengt/vñ auff den bauch warm gelegt/ist das darmgicht stillen.

Netter genutzt inn kost/oder das kraut außwendig auff den bauch gelegt/benimpt das darmgicht.

Galgan oft genutzt/ist güt für das darmgicht.

Niegelin vñnd das kraut tag vnd nacht gesotten inn regenwasser/vnd die gelegt auff den bauch/benimpt das grimmen.

Nimb Maien plumen ein halbs pfund/vñ thū dar über gütten lautern wein/vnd laß die darinn bayssen vier wochen/darnach seyhe den wein ab/vnd distillier den durch ein alembig/fünffmal/Diser wein also distilliert/ist besser dann gold/wellicher darm sucht hat/der trinck des weins alle morgen ein klainen löffel vol.

Polaien gesoten inn wein/vertreibt dz grimen/dar auff warm gelegt.

Tag vnd nacht gesotten mit wein/vñ auff die grimmen warm geleget/ist den weetagen stillen.

Engel

Engel süß oft genutzet ist güt für das grimmen o/  
der darngicht.

Wellicher grimmen hat / der salbe seinen bauch mit  
warmem safft von spitzigen Wegerich / oder mit dem  
kraut / es hilfft wol.

Rappen süß oft genutzet / ist güt für das darm ges/  
ücht.

Bibenel das kraut gesoten inn wein / vnd getrunckē /  
benimpt das grimmen.

Genferich mit wermut genutzet / vertreibet das grim  
men im bauch.

Pfeffer körner / vnd gebzanten knoblauch / vnder ein  
ander gemischt / vnd das eingenommen mit wermut  
saft / benimpt das grimmen.

Für das grimmen inn dem bauch / soll mann nemen  
Sumach ein som / vnd gersten mel / vnd das sieden inn  
wasser / vnd dis vnden eynnemen als ein cristier / es  
hilfft.

Zucker oft genützt / ist güt dem gedärm.

Für die Bermutter.

Für die bermutter inn dem leib / Leg feigbonen inn  
wasser vnd laß sie gerinnen / vnd yß / es hilfft.

Für das stechen inn der seiten.

Wellicher also groß stechen hat inn dem leib das er  
sich besorget er muß dauon sterben / der nem vedistel  
kraut / vnd salbay ein wenig minner / vnd stoß die /  
vnd misch darunder das wasser von vedistel / vnd  
sied es ein viertelen ein / vnd schlage es durch / vnd mach  
das süß mit Zucker / Vnd trinck das so das stechen an  
kompt / es vergat dir zühand.

D iij Wel

Weyber Bpötteck.

Wellichem wee ist inn der seiten/ der sied lein inn was-  
ser/ vnd tunc̄ ein leinen tūch darein/ vnd leg das also  
warm auff die seiten/ es vergat dir on zweiffel.

Wellicher dz stechen hat inn der seiten/ der leg spitzig-  
gen wegerich pletter inn wasser/ vnd lege sie also warm  
an die statt daran es dich sticht/ oder auff das miltz/  
so wirdt jm baß.

Capit. vi. Von Franckheyten der mutter/ Auffstossung/ ver-  
ruckung/ erkeltung/ vnd verschleimung oder verstopffung.

**D**IE mutter ist ein fürgeordnet vass von Gott/  
darinn die kindlein empfangen/ erneert/ vnd zū  
eines menschengs cörper formiert werden. Die  
hat nun vil zufelliger Franckheit/ dz die weiber nit all  
kūnnen empfangen vnd geben/ darüber wölln wir  
ettliche/ ettlicher bewerter ärzt artzneien kurtzlich er-  
zelen/ der weiblichen schwachheit/ so es Got gefiel vnd  
wolt/ zū helfen.

für Franckhait der mutter.

Dillen somen gesoten inn wasser/ vnd die frawen dar  
inn gebäet/ ist güt wider das weethumb der muter.

Die frawen die gebresten haben abn der mütter/ die  
sollen schieß melde legen auff den bauch/ es stillt sie.

Gellilien wurtzel mit wein gesotten/ ist güt wider dz  
weetumb der muter/ so sich die frawen darüber bäent.

Maister wurtz genützt/ ist güt wider das wee der  
muter.

Basilien inn wasser gesoten/ vnd vber den bauch ge-  
leget/ benimpt der muter jr wee.

Von Balsam kraut getruncken/ ist güt für das wee  
der muter.

Lein



Leinsamen geprannt auff Eolen/ vnd den rauch gelassen vnden auff/ benimpt das wee der müter.

Maiozangefoten inn wasser/ vnd den dampff gelassen vnden auff/ reiniget die muter.

Kauten gesoten mit baumöl/ vnd das mit einem cristier inn den leib gelassen/ benimpt das wee der muter.

Kleesomen gesotten/ vnd den dampff vnden auff gelassen/ reiniget die müter.

Rainfal gedört vñ gestossen zū puluer/ vnd die frau en diß eyngenommen mit wein auff ein halb lot/ reiniget die muter.

Wosß gesotten inn wasser/ vnd die frauen damit vnden auff gebadet/ ist güt zū der muter.

Mit Isop gebadet/ ist güt den frauen/ es benimpt dz wee der muter.

Den ihr mutter herfür ghat.

Diese bestreiche mann mit schlehen safft/ es hilfft.

Item Wann solles bestreichen mit essig.

Wellicher frauen die mutter für den leib ghat/ die laß den rauch von Laudano vnden auff ghan/ sie gesnießt.

Kalt mutter.

Tosten wurtzel ist güt der erkalten mutter / darmit gebadet/ oder gebadet vnden auff/ vnd die mit wein getruncken/ es hilfft fast wol.

Lorber getruncken mit wein ist güt zū der erkalten mutter.

Der

Weyber Apöteck:

Verschleymung der Mutter.

Tosten oder wolgemut gesotten inn wein / vnd dar  
under gemischt baumöl / das gemacht auff ein tuch /  
gelegt für die scham der frauē / benimpt die herrtigkeit  
der mutter / reiniget sie / vnd bringt den frauen ihr  
feuchtigkeit.

Er döpfel reiniget die mutter vor all andern wurz  
eln. Schneid die wurzeln klein gewirffelt / thu die inn  
ein tüchlein / vnd die frau halt diß inn ihr scham / sie  
zücht an sich viel böser feuchtigkeit.

Verrückt Mutter.

Feigen gesotten mit sieben gezeyt samen / vnd gerste  
wasser / die frauen vnden auff damit gebäet / der ihr  
mutter nit an der rechten statt liegt / sie geneußt zū  
handt.

Aitter nesseln pletter gelegt auff der frauen haim  
ligkeit / bringt die mutter zū ihr rechten statt.

Geschwulst der Mutter.

Bolaien inn wasser gesotten / vnd den bauch damit  
gewaschen / nimbt die schwulst der mutter.

So den frauen ihr mutter auffstosset.

Das öl von bitter mandel / ist güt für die muter auff  
stossen / vnd fert von einer seiten zū der andern / vnder  
den nabel / mit dem selben öl wol bestrichen.

Blacte Bizantie / den rauch dauon vnden auff gelas  
sen / den frauen / es benimpt der muter auffstossen.

Wellicher Frauen die muter auffert / als voneiner  
stat zū der anderen / oder vō einer seitten zū der anden /  
oder

oder die für dēleib gat/die nem Galbanum/Armonia  
cum eins als vil / als des andern / vnnnd werff diß auff  
glüendt Eolen/ vnd laß den dampffe vnden auff gen.

Mütter kraut ist güt den Frawen den ihr muter auf  
stoß an das hertz / daruon getruncken.

Den frawen die jr muter auffert / von einer seyten  
zü der andern / die sollen nemmen Beonien Körner xv.  
vnd die thün inn mellicrat / gemacht von Honig vnnnd  
wein / vnd den trincken / es hilfft fast wol.

Serapium gerochen ist güt wider auffstossung der  
mutter.

Caput. viij. Von der frawen franckheyt / Menstru  
um genant / wann das verstopfft / oder zuniel  
ist / vnd auch vom weissen fluß.

**S** Weil das seßlin weiblicher Franckheyt / zü vn  
derst ist am halß der mutter / auff der rechten seit  
ten angehenckt / vnd eyn ader auß der lebern das  
geblüt von der lebern inn das seßlin füret / vnnnd zü  
seiner zeit sich da auß schüttet / inn dem halß vor der  
mutter / vnnnd doch das züzeiten zuniel / oder zü lützel  
geschicht / vnd den weibern dadurch viel Franckheiten  
erwachsen / so wöllen wir auch etwas dauon zü samen  
schreiben.

So den frawen ihr Franckheyt verstopfft.

Welliche fraw jr Franckheit nit hat / die soll rodt bug  
ken sieden inn wein / vnd den trincken / es hilfft.

Stabwurtz inn wein gesotten / vnd das getruncken  
bringt der frawen ihr Franckheit zü hand.

Knoblauch gesotten mit dem kraut inn wein / vnnnd  
getruncken / bringt den frawen jr zeit.

¶ Wers

Wermut safft vermengt mit beifuß safft / vnnnd mit mirzha vnd honig / darauß gemacht ein zapffen / vnd der frawen geleget inn ihr schame / es bringt ihr Franckhait zü hand.

Lenis genutzet / bringt den frawen jr Franckhait zü hand.

Ab hasel wurtz getruncken / bringt den frawen jr Franckhait.

Gold wurtz mit warmem wein getruncken / bringt der frawen jr Franckhait zü hand.

Aloe mit mastix vermengt in hirsch zungen wasser / vnd genützet mit beifuß wasser / bringt der frawen jr Franckhait.

Ein rauch gemacht von Armoniaco / vnd Asafetida / vnd Galbanum / jegklichs gleich vil / vñ die frawe damit gebäet / bringt jr Franckheit.

Bruscus / ist ein baum / den safft von disem kraut gesoten / vnd getruncken / bringt den frawen jr Franckhait.

Bibergeil genutzet mit pfeffer vnnnd Honig wasser / bringt den frawen jr Franckheit zü hand.

Camedren / dis kraut genutzet / bringet den frawen jr Franckhait.

Leinsamen bringt den frawen jr Franckhait / ein pflaster dauon gemacht / vnd auff den bauch gelegt.

Wenta gessen / vnd daruon getruncken / bringt den frawen jr sucht.

Tosten frut gesoten mit wein / darunder gemischt baumöl / vnd das gemacht auff ein tuch / vnnnd gelegt für die scham der frawe / es bringt inen die Franckheit.

Lauch

Lauch genutzt/bringet den Frawen jr Franckheit.  
 Polai ist güt gesoten mit wein/vnd den getruncken/  
 ist fast güt der Frawen die jr Franckheit nicht hat.  
 Quendel inn wein getruncken bringet den Frawen  
 jr Franckhait.

Alitern nessel pleter gesoten / vnd gemischt mit myr/  
 rhen/ vnd das gelegt auff der Frawen bauch/ bringet  
 in jr Franckhait.

Verbena gesotten mit wasser/vnd dz genützt/brin/  
 get den Frawen jr Franckheit.

Erddöpfel wurzel genutzt mit wasser / vnd das ge/  
 truncken/bringet den Frawen jr Franckhait.

So die Franckheit züviel flussig ist.

Wer die Franckhait züvil hat/ soll sieden weiß beifus/  
 pleter inn wein/vnd also nutzen mit eppich wasser / es  
 vergat jr zü hand.

Saurampffer mit wein getruncken/ oder gessen/ &  
 treibet den frawen jr Franckheit.

Schlehen safft / soll gemacht werden so sie nicht gar  
 zeittig seind/es benimpt den frawen jr Franckhait.

Den frawen die jr Franckheit zü lang weret / die sollē  
 sich vnden auff bäen/oder bereüchen mit aichin laub/  
 es hilfft sie on zweiffel.

Pferfig genutzt / benimpt den frawen jr Franckheit  
 on zweiffel.

Teschen kraut ist güt der frawen/die jr zeit zü vil hat  
 das gestossen/vnd hinden auff die lenden gelegt.

Von groß walwurtz getruncken mit wein/steldt den  
 frawen jren flus.

Einpflaster gemacht vö leber kraut/ vñ den frawē ge/  
 legt für jr scham/benimpt jr die Franckheit. L ij

Weyber Apöteck:

Der som von Genesta ist fast güt de Frawen geprau  
chet/ es benimpt inen jr Franckhait.

Welliche Fraw jr zeit zü vil het/ die nem galöpffel vñ  
sied die in regen wasser / vnd misch darunder wegerich  
safft/ vnd mach mit baum ölein zaffen/ vnd leg dz inn  
jr scham/ es hilfft fast wol darzü.

Muscatus genutzet/ psetzt de frawen jr Franckhait.

Burgel de Frawen genutzet/ benimpt inen jr Franck  
hait.

Der safft von praiten wegerich/ ist güt den Frawen/  
denen mann jhr Franckheit nicht stellen kan / den mit  
einem tüch auff die scham gelegt / vñnd als bald das  
trucken wirdt/ soll mann es wider netzen.

Spicanardi gesoten/ vnd darauß gemacht ein pfla  
ster/ vnd der frawen gelegt für jhr scham/ benimpt in jr  
Franckheit zü hand.

Ein zapffen gemacht von sanguis draconis safft/  
vnd darunder gemischt rätschen kraut safft / vñnd den  
gesteckt in der frawe scham ein ganze nacht/ benimpt  
jr Franckheit.

Virga pastoris/ dz kraut gepulvert / vnd dz genützt  
mit erbiß prü/ benimpt den frawen jr Franckheit.

Für den weissen fluß der frawen.

Für den weissen fluß der frawe/ nim Bolus Armeni/  
mit wegerich safft/ es hilfft wol.

Mirica/ heid/ diß plumen gestossen zü puluer/ vñ dar  
under gemischt meißölin/ vnd tosten/ jegliches gleich  
vil/ Zucker halb als vil/ vnd diß genützt gleich einer tre  
seni/ benimpt den frawen den weissen fluß.

Osnea/ moß/ stelt den frawe des weissen fluß darauf  
gefessen/ vnd damit gebäet. Für

Capit. viij. Von fruchtbarkeyt vnd onfrucht-  
barkeyt der weiber/auch von artzney  
ihrer scham.

Von vngeschickligkeyt aller weiber  
zū empfangen.

**F**riste frauen sindt vngeschickter zū entpfangen  
dann die magern / Dan alle sachen werden durch  
solche überfeuchtigkeit verhinđt. Solche sol man  
ir vertreiben mit Theodoricon/vnd Terapigra.

Vnfruchtbarkeit von zuvil feuchtigkeit.

Wirt gespürt so ir zeit fast dünn/sol sich fast truckner  
speiß gebrauchen/Als/ Apocimate/ vñ Mistel/ Mir-  
zha/ Rosenblüt/ Granat öpffel / Kümel/oder Küm-  
sch/sindt fast güt.

Vnfruchtbarkeit von übriger hitze.

Sie sol kaltende speiß essen/als Lattich / vnd Bap-  
pelen kraut/butter/ Portulaca / Portzel od serportzel  
genannt/ So aber die Mutter offen steet/ Mistel vnd  
auch Galäpffel.

Vnfruchtbar von wegen beschlossner muter.

So brauch man Apocimate/in welchen gekocht ist.  
bilsen samen vnd Fenugreekum / Butter / öl / vñ  
honig/ Auch thüt man Terpentin an heimliche ort.

Geschicklichkeyt zū empfangen.

Wann ein frau beischlafft / sol sie nit zuvil essen  
noch trincken.

Wann ir recht kompt ist sie auch zū empfangen vn-  
geschickt.

¶ iij Was

Weyber Apotecck.

Was die Frawen fruchtbar macht.

Beyfuß oft genützt / macht die frawen fruchtbar.  
Rosmarin vnd mellissen in wasser gesoten / die mut-  
ter damit gerainiget / macht sie leichtlich fruchtbar.

Waister wurtz ist reinigen den Frawen jr mutter / dz  
sie dester ee mügen empfaben von den mañen / so thund  
darzū Mellissen vnd beifuß.

Wasser wegerich kraut / ist gütt den Frawen menlich  
somen zü empfaben / vnd schwanger werden.

Nimb Metri / mutter kraut / vnd helffen bain gepul-  
uert / vnd also mit wein genützt / ist die Frawen frucht-  
bar machen / vnd leichtlich empfaben.

Mirza ist gütt den Frawen die nit kinder empfaben /  
die sollen den nützen mit wein / vnd den rauch vnden  
auff lassen gan.

Polaienden frawen oft genützt / macht sie frucht-  
bar.

Harstrang wurtzel / dauon gemacht ein rauch / vnd  
den frawen vnden auff gelassen / benimpt von jr die  
vnfruchtbarkeit / vnd macht sie fruchtbar.

Feld kumel gessen / macht die frawen fruchtbar.

Das in der eichen mistel thū inn wein / gibs einer fra-  
wen zü trincken.

Plinius sagt / Gib ihr vō einem hasen *vuluā leporis* /  
inn der speiß zü essen.

Siedlattich in wasser / gib das einer frawē nüchtern  
zü trincken / sie wirt geschickt zü empfaben / schüt sie a-  
ber den tranck wider von sich / so hat sie empfangen.

Oder geb ihr in zeit so die sew ramlen / ebergeylen zē  
essen.

Toz



Tormentil hat krafft zů stercken den samen der Frauen / so sie mit irem gemahel zů schicken hat / die vorhin inn wein gesoten / vnd getruncken darvon.

Frauen scham zů artzneien.

Wann einer frauen die scham geblewet oder geschwollen ist / vō ehelichen wercken / oder sunst / so sied bapeln in ein kessel / setz die bain darinn / so wirt ihr baß.

Die äsch von dille ist güt für allen gebresten der frauen ding.

Ist ein frau fratt da / so strewe sie des puluers von Aloedarinn.

Aschen gemacht von maurrauten / reyniget alle gebresten an heimlichen orten der frauen.

Welcher frauen die heimlich statt verseert / die nem safft von Lauch / vnd thū es darüber / es heilts.

Caput . ix . Von zeychen das ein weib entpfhangen / vnd ob sie ein kneblin oder meydelein trag / vnd wie das kindlin inn mutter leyb zünimbt / vnd eruert wirt / todt oder lebendig noch inn mutter leib sey.

Zeychen das ein weib emphangen hat.

**W**enn ein frau nach den Ehlichen wercken / vnd das werck volbracht / Entpfindet sie darnach kelte vñ schmerzen in dē nieren / so ist es ein gewis zeychen / das sie entpfangen hat.

Solches ist auch ein gewis zeychen / so sich ein frau an jr selbst verwandelt / oder leßt sich seltsame vnd mancherley speiß gelusten / als leimen / Eolen / oder erden . . .

Ob

Weyber Apotek.

Ob ein fraw ein kneblin oder ein meydlin dregt.

Wenn ein fraw einen grossen bauch gewindt auff d  
rechten seitten.

Vnd die rechte brust mer milch hat/ dann die lincke/  
Stets rot farb vnderm angesicht/ Ist ein gewisß zeichē  
eines knäblins.

So sie aber ein meidlin treget/ ist sie gewonlich bleich  
farb vnderm angesicht/ vnd schwermütig.

Die rechte seit des bauchs lang/ die lincke kugelecht/  
oder rundt. Die lincke brust schwilt jr.

So man milch auff jrn harm schüttet/ so schwim̄t  
sie entbor.

Wie ein kindt in mutter leyb inn dem ix. Mo-  
naten formirt wirt.

Im ersten Monat ist es ein gesamlet blut/ Im andn  
Monat ist es ein züschickung eins leibs/ Im dritten ist es  
ein leib/ Im vierden/ entpfähts die nāgel/ Im fünffte/  
hat es das vatters oder mutter zeychen/ das man se/  
hen kündt/ ob es ein kneblin oder meidlin/ Im Sechß/  
ten hat es alle adern über seinen ganzen leib/ wie ein  
mensch. Im sibenden Monat hats marck inn den bei/  
nen. Zum achten monat mit bainen befestiget vnd ge/  
sterckt/ Im Neunden scheidet sich die natur/ vnd wirt  
ein wolgethon kindt.

Wie ein kindt in mutter leib erneret würdt.

Die brüst der Frauen ( nach der meinung Hippo-  
cratis) haben ein gemeinschaft mit dem säcklin/ Sec-  
cundina/ darinn das kindt inn mutter leib ligt/ durch  
ein āderlin das von den brüsten dem kinde biß an den  
nabel

bel gehet / dardurch die milch der frawen von den brüsten dem kind zur narung kommen mag / damit das es erneret würdt in mutter leibe.

Darumb soll man kein fraw lassen grosse oder vnzimliche arbeit thun. Sie sollen auch nichts schwerlich oder vffs haupt heben / Dann gar liederlich würt dem kind das aderlin entzogen / so ist es auß mit dem kind.

Desgleichen soll man sie nit so hart halten / noch erschrecken / damit sie vmb die kinder kommen.

Zu erkennen ob ein kind in mutter leib frantz oder gesundt.

Wann der frawen brüst vil milch geben / ist ein zeychen das dz kind in mutter leib schwach ist / Dann dauo sich dz kindt erneren solt / geet zu den brüsten auß / zeigt an das dem kind das aderlin entzuckt / daruon im narung werden solte / das geht zu den brüsten auß / oder das dz kindt sunst frantz.

Wann aber der frawen jr brüst hert / vnd kein milch von jr geet / bedeut das kindt frisch vnd gesundt in mutter leib.

Caput. x. Das die weiber leichtlich gebären - Für die ander geburt / vnd das geblüt zureinigen / auch die todte geburt auß zutreiben merckliche artzncien.

Leichtlich gebären.

**B**ind ihr an die linck hüfft bilfen kraut wurtz / also das du den knopff balt wider auff ziehest wenn sie gebiert / vnd die wurtzel hinweg werffst.

Zertreib lorber bletter / legs jr auff den nabel.

Ein löffel honigs / vnd zwen löffel wassers misch

f vn

Weiber Apotecck.

vnder einander / gibs ihr inn kindtsnöthen zütrinckē.

Dergleich gestossen mirrhen inn wein getruncken.

Foenum Grecum mit honig gemischt.

Einer andern frawen milch mit beifüß / vber den na  
bel gebunden.

Oder setz die bain in eschen wasser.

Rote buck mit wein oder bier gesotten / den getrun  
cken / hilfft wol in kindts nöthen.

Oder bind man jr dz gesottē krot an ihr recht weich /  
sie genießt balt / vnd das kraut schnell hinweg thun.

Wenn ein fraw nit geberen mag / so seud holwurtz  
mit wein vnd baumöl / bestreich sie auff dem bauch / sie  
genießt.

Der safft von Basilien kraut den frawen genützt /  
fürdert sie inn irer geburt.

Naterwurtz fürdert die weiber an der geburt.

Ziber geyl genützt mit pffeffer vnd honig wasser /  
treibt auß die geburt.

Für die anderen geburt / Secundina genanne.

Knoblauch gesotten mit seinē kraut in wein / zeücht  
auß die ander geburt / den bauch damit bestrichen.

Holwurtz getruncken mit wein / vertreibt die ander  
gepurt.

Strickwurtz vndeberwurtz / gleich vil gepuluert vnd  
gemischt mit regen wasser / vnd den frawen das ein ge  
ben / hilfft fast wol auff zü lösen Secundina / das ist die  
ander gepurt.

Gelviolen plümen gesoten inn wasser / vnd das ges  
truncken treibt auß die ander gepurt.

Zim

Zimmet rinden getruncken mit wasser / treibt auß  
die ander gepurt.

Andorn safft / ist güt den Frawen die bößlich geperē/  
vnd treibt auß die ander gepurt.

Spitzigen wegerich safft getrunckē vertreibt Secū  
dinam / das ist die haut da das kind in gelegen in mut  
ter leyb.

Polaien gessen / ist güt den Frawen die versaumpt  
werden durch die ammen also / dz sie die andern gepurt  
zū lang bei in haltē / dardurch manig Frawē v̄saumpt  
werdent / das sie sterben müssen.

Item puluer den stein Agates / gibs ihr zū trincken  
inn einem tranck.

Item mach ein dampff von hünerefedern / laß sie dar  
über sitzen / das der dampff zū ihr gang.

Das geblüt nach der geburt von einer fra-  
wen zū treiben.

Cappaunen hirnschal zū puluer gestossen / gib es ihr  
zū trincken.

Von der wurzel vnd kraut Tausentgulden getrun-  
cken / treibt einer fünffzig jährigen frawen ihr tranck  
beyt.

Oder thū Wirrhen inn einen apffel / vnd geb ihr den  
zū essen.

Gestossen leinsamen mit firnem wein gesotten / vnd  
getruncken.

Todre geburt auß zū treiben / aborsus genant.

Welche fraw ein todt kindt im leib hett / die trinck vō  
rotem beifuß / sie wirt des kindts sanfft ledig.

f ij Oster

Weyber Apotec.

Osterlucei gepulvert / gemischt mit so vil mirr / genügt mit warmem wein / treibt todt geburt.

Versich geschmiert auff dē bauch der frawen / treibt auß das todt kindt.

Welche fraw inn ihr hett ein todt kindt / die trinck vō Camillen blumen / sie wirt sein ledig.

Niater wurtz treibt auß todt geburt.

Vergif mein nit gesotten inn brunn wasser / vnd getruncken / treibt auß tode geburt.

Gamand wasser getruncken auff iij. lot / vertreibt die todt geburt.

Tausent gülden kraut wasser getruncken von einer frawen / treibt die todt geburt von mutter leib.

Gelb viol plumen inn wasser gesotten / vnd das getruncken / treibt auß die todt gepurt / Doch soll kein fraw das nützen / dann sie wiß das das kindt tod sey.

Diptam gepulvert / mit beyfuß vermengt / vnd dar auß gemacht zäpflin / vnd den frawen vnden auff gebraucht inn ihr schame / treibt auß das todt kindt inn dem leib.

Die frawen die inn jnen heten todt kinder / mügen trincken von der weissen nießwurtz / oder gelegt an die häimlich statt / treibet die auß mächtiglich.

Frawen kraut gepulvert / vnd getruncken mit wein vnd honig treibt auß das todt kindt.

Lubstückel somen gelegt inn wein ober nacht / vnd den getruncken / treibt auß das todt kindt.

Die rinden von Alron wurtzel / als groß als iij. heller gewicht / gehalten für die scham der frawen / treibt auß das todt kindt.

Nast

Nasturtium kress / den somen genügt mit wein / ver-  
treibt die todten gepurt.

Beonien körner eingenommen / treiben auß die todte  
gepurt.

Rappensüßkraut gesotten mit wein / vnd das ges-  
truncken / treibt auß das todte kind auß muter leib.

Erdschwiffel inn wein gesoten / vnd mit Wermut vnd  
Mastix inn wasser vnd essig gesoten / vnd mit Zucker  
süß gemacht / vnd getruncken / treybt auß das todte  
kindt.

Welliche Fraw den rauch von schwebel / vnden auff  
lat gan / treibt auß das kind.

Feielen gesoten / vnd die gelegt auff den bauch der  
Frawen treibt auß das todte kind.

So einer ein kindt vor der zeit abghat / so zerstoß ihr  
ein lebendigen krebs / vnd geb den ihr zü trincken inn  
altem wein.

Das .xj. Capittel. Von etlichen Franckheiten der füß /  
Geschwulst vnd Krampff der füß.

Für geschwulst der füß.

**S**chsen zungen safft getruncken mit warmē was-  
ser / hilffet fast wol für die geschwollen füß.

Zitter Nesseln mit Baumöl gesotten / vnd die  
geschwollen füß damit bestrychen / vertreibt die gesch-  
wulst.

Für den Krampff.

Wellicher gel lilien wurtzel bei ihm tregt / dem thut d  
krampff nichts.

Von Dagorn sommen getruncken / ist güt für den  
krampff.

F ü j Wel

Apotecck der Kinder

Welcher den kramppff hatt/ an wellichem end das am  
leyb wer/ der streich balsam da selbst hin/ er verlast in.

Wem der kramppf gefet wer/ & nütz hertz gespan kruz/  
mit Honigwasser er geneüßt.

Biber gail genützt/ benimpt den kramppff.

Die fassen auff den kleen/ ist güt für den kramppff.

Welcher genaigt wer zü dem kramppff/ der stost weg/  
erich den spitzigen mit starckem wein/ vnd leg den dar/  
auff/ es hilfft.

Wellicher den kramppff fast hat/ der süed maßlieb mit  
gütem wein/ vnd trinck das/ so er schlaffen wil gan/ er  
geneüßt.

Dulpiß die fetung vnd sein marck ist fast güt/ für dē  
kramppff die glider damit geschmirt.

End der Weiber Apotecck.

## Vonder Jungen kin- der regiment vnd apotecck.

Cap. 1. Wie man erst geborne Kinder halten sol / bis  
sie gehn vnd reden lern in einer gemeyn

**E**yn fraw gebürt schwerlich / die ander leichtlich.  
Etwann kumpt die frucht vor mit einer handt/  
oder füß/ das ist schädlich/ es sei dann dz die frawe  
starcker natur sei/ so möcht sie todt bleibē/ Die hebam-  
men sollen aber ettliche salben haben/ vnd sollen sie sal-  
ben an ettlichen enden / so ghat die frucht von statt.  
Wann nun die frucht an die welt geboren ist / spricht

Cono



Constantinus/sol die Webam dem Kind greiffen in sei/ Constantinus  
 nen mundt / vnd ein Rosen honig oder sunst honig an Sang lösen  
 den finger streichen / damit sie dem Kind die zung be/  
 reyttten sol. Ob etwas zelösen sei / das sol sie lösen.

Darnach sol mann den nabel abschneiden vier fin/ Nabel ab-  
 ger lang / vnnnd sol gebunden sein an des Kinds / vnnnd schneiden  
 auch an der mütter leib / mit einem starcken / gleichen  
 faden / auff das sie sich nit verblütend.

Darnach sol mandz Kindt mit klein geribnem saltz Erst außrei-  
 an allem leib bstreichen / außgenomen den mundt / nass ben.  
 löcher vñ angficht. Doch ist gut mit dem saltz vermisch  
 en Wolgemüt / Rosen vñ Heidelberg / eines wie des an/  
 dern / auch klein geriben. Querröis aber spricht / das  
 man für solch saltzen die Kind mit eycheln öl durch sal Querröis.  
 ben mag. Dis saltzen oder salben reinigt alle außwen/  
 dige glider / vnnnd sterckt sie das jnen weder kelte noch  
 übrige hitz / herte noch linde deffer minder schadet / vnd  
 mit minder sorgen mag man sie handeln.

Nach dem sol man das kindt erwaschen auß einem Erst badt.  
 lobenwasser zü Summer zeitten / oder auß einem war/  
 menwasser zü winters zeitten.

Dann sol man vff seinen nabel sehen puluer das abo  
 dürre vnd truncken / dz sol gemacht werden auß Bos  
 lo armeno / Drackenblüt vnnnd Mirra / gleich viel vñ  
 dereinander vermischet. Auch netz man ein tüchlin in  
 Rosen öl / vnnnd leg es darüber / vnnnd bind in dann zü/  
 soliches thū man so oft man es badet.

So

Apotecck der Kinder

Nabel pul.  
uer.

So der nabel abfallē wil/ als über drei oder vier tag/  
sol mann mit fleiß hüten das er freulich nit her ab ge/  
rissen werd. So er dann abgefallen / sol mann vff den  
nabel seen puluer gebrennet auß alte solen/ oder kalbs  
versen/ das macht ein wolgestalten nabel/ Wo aber dz  
Kindt blüten würd in dem freulichen abreißen des na  
bels/ so see man darauff Bolum Armenum / dz ist ein  
rote erd in der Apoteccken/ darauff wirt ein rüßlin. das  
laß man selbs herab fallen.

Kinder zu  
baden.

Die Kinder sol man vnder dem halben jar all tag er/  
weschen auß einem wasser bad in zimlicher werme/ vñ  
werner winters zeiten dann somers zeiten/ Ein tocht/  
ter werner dann ein sun. Vnd die oren sol man in ver  
stopfen / spricht Auicenna / so man es badet mit einem

Auicenna.

Baum öle/ damit in das wasser nit in die oren gang.  
Das beuchlin sol mann in abwertz streichen/ vnd dz  
maß gānglin berühren / so verheben sich dester minder  
stülgenge noch harnen.

Vnd wañ ein kindlin schielen/ schrecken oder zittern  
würd in dem bad / vñnd doch das bad sein ordenliche  
werm het/ so sol man es auß dem bad thun/ wannes ist  
kranck/ als Auerois spricht.

Zeit zubaden.

Ein kindt sol man baden biß es etwas rot an sein/  
em leiblin wirt werme halb. Die zeit aber zu baden ist  
nach einem langen schlaff / vnd auff das minst das es  
in einer stund vor oder nach weder essen noch trincken  
solle/ vnd so es dann entschlaffen sol/ sol man es nach  
dem bad mit dē haubt vff ein lind küsslin biß zur schul/  
tern wenig höher legē/ dan sunst der leib ligt. Vnd vor

Kind läger.

allen dingen sol mann sich alle zeit hüten/ das man die  
Kinder

Kind mit dem haubtlin nit tieff noch hert leg. Vnnd ob die weiber jr alte böse gewonheit nit lassen wolten/ so sol der man solichs nit gestatten/ Wann darauß vil Schadens erstehn mag/ als rinnende oren/ blöde vnd vn gestalte häubter. Es sol auch gestreckt ligen mit dem leib/ vnd sol gedeckt sein vmb das haubt/ vnd vmb den leib/ nach gestalt der hitz oder kelt. Auch sol man es die ersten sechs wochen halb finster/ also das die kamer nit über glästig sei/ sunder vermacht/ das weder Sonnen noch Monßschein über es scheine/ Auch das wed Katz noch anders viech über das kindt kommen müg/ dardurch es erschrecke/ oder sunst ein schaden entpfienge/ legen.

So man das kindt heben wil/ so sol man es bei der brust sicherlich greiffen/ vnd nit bei dem bauch/ vnd vnder dem rucken greiff man mit der andern handt.

Galenus spricht/ haben die kind vngestalt an jrē gliedern/ so salb man sie nach dem bad mit Rosenöl/ vnd füg sie zu der besten gestalt so man kan/ vñ bind sie nach notturfft. Auch soll man in nach dem bad Violöl eintröpfflin zu einem jeden nasloch instreichen/ besunder so sie den atem hart haben vnd schnuderē durch die nasen/ wañ es erweicht die pützlin/ vnd wendet die flüß zu der nasen heraus/ Auch krefftiget es den kindē das angesicht/ als Auicenna spricht. So man dz kindt versehen oder binden wil/ so sol man die glider des kindt senfftiglich begreiffen/ vnd was zustrecken ist/ sol man strecken.

Jr augen sol man in oft bestreichen mit einem trucken grünen tuch/ zu krefftigung des gesichts/ vnd vor

Ⓞ kelte

Kind halten.

Galenus.  
Anmaler des  
kind.

Nas lüfften.

Auicenna.

Apotec der Kinder.

Kelte/ soll mann sie bewaren/ nach gestalt der zeit.

Galenus.

Nach dem halben jar sol man kind erwäschē über den andern tag. Darnach über dē dritten oder dē vierden/ nach dem zünemen des alters/ wann biß in das sie bend jar/ als Galenus spricht / so soll mann kind wasser baden. Ich find aber nit das man sie vil schweyß baden sol/ es ist in auch nit nütz.

Wann kind vast weinen on kintliche vrsach / so soll mann sie neigen vff ire beuchlin/ vnd in warme tücher darüber legen/ so schweigen sie.

Züchtige vnd stille kind/ sol man mit fleißiger wartung bei iren tugenden behalten / nit allein darumb/ das sie tugenthafftig genent werden/ sunder das sie gesunt bleiben. Wann weinen/ zorn/ angst / vnd wachē mer dann ir natur / seind geschicklichkeiten zū dem Fieber/ vnd anderer Kranckheiten anfang.

Warumb die  
Kindt weinen.

Also übrige stille vnd ruwe/ oder vnbeweglichkeit des Kinds/ mer dann sein sol/ machts bleich / vnd löschet natürliche werme an in auß. Darumb muß man groffen fleiß haben/ das die kind nit vno:denlich bewegüg an in haben. Vnd so sie vast weinent oder zornig seind/ oder mer stil/ dan in gebürt/ so soll man achten warumb es sei/ dz man es wende/ Wann Galenus spricht/ kind weinē entweder drum/ dz sie etwas schmerzges haben oder außwendig betrübt werden/ oder das sie harnen/ oder zū stül geen wöllen/ oder zu heiß/ zū kalt/ oder über flüssige kleyder an haben/ oder zū lang/ oder vnsauber leigen in irer kat. Vnd solcher ding aller soll die besche  
sin

ein des kints warnemen / vnd darin fürtrechtig sein  
den kinden zereichen was in not ist / vnd zü benemen  
wz sie betrübt. Vnd vor allen dingen sol jr leinwat rein  
vnd sauber sein.

Dem kind sol man flehen / vnd üben zü schlaffen in  
dreierlei maß als Galenus lernt. Zü dem ersten mit de  
brusten der frawen / die man den kinden in den mund  
gibt. Wann die brüst den kinden ingeben / als Auicen  
na spricht / Wendet in allen dingen kummer. Zum an  
dern mit gesang / Wann die milstimm er frewet es im  
bergen. Zü dem dritten mit der bewegnus / als mit wie  
gen / wann die bewegnus ist vnns natürlichen / Als  
Aristotiles spricht.

Kindt entsche  
lassen

Cap. ij. Wie man kind seugen vnd speisen sol / vnd  
wann sie jr eigenen müter nit seugen kün  
nen / wie die Seugam gestalt sein sol.

**S**ott hat die brüst an den frawen geschaffen / das  
die new geborne frucht dardurch gespeist werd /  
biß sie stercker kost genießten mögendet / wann die  
frucht wirt in muter leib gespeist von dem zärtlichsten  
teil d muter blüt / vñ so dy frucht an die welt kömpt / so  
fleust dan d frawen blüt durch die adern die darzü geor  
dnt seind in die brüst / vñ so wirt dan darauß milch / dar  
um so werdēt die kind bequēlicher vñ zimlicher geseugt  
vnd bleiben / so sie jr eigē mütern saugent / dan so man  
verammet. Doch so wer besser die ersten vier zehen tag  
kind bet / dz ein andere fraw das kindt seugēt dann seine  
G ij rechte

Apöteck der Kinder.

recht muter/wann dauor ist die milch dem kind nit ges  
sundt/vnd in der weil so sol die kindbetterin ein welffen  
oder iungen hund saugen lassen/oder das man sie sunst  
auß saug. Wann aber die mutter das kindt von ersten  
seugen sol/so streich man dem kind ein ee man es seuket  
allweg ein wenig Rosen honig/so schadet jm die milch  
dest minder.

Wann man ein kind seugen wil/so soles nüchtern ge  
schehen/die Seugam sol die brust übermelcken/das  
wesserig dauon/vnd dann das kindt seugen.

Seügam.

Die bequemlichste Seugam̄ einem gesunden kinde  
ist des kinds eigene mutter/Wo aber Franckheyt halb/  
oder ander züstender vrsach halben/sie ein Am bestel  
len/die Seugam nit zü jung sei/nit zü alt/sie sol sein  
über zwenzig jar/vnd vnder dreissig iaren/vnd vmb  
xxv jar ist sie an dem beste. Die zeit der frucht die tragē  
hat/sol sein das sie auß sechs wochen komen sei bis zü  
den zwölffen/also je näher nah sechs wochen oder nach  
xij. Ist die Seugam mitt des kinds mutter genesen/je  
besser es an jr ist/Darumb seind nit zü loben die zwey  
oder drei kindt abseugend/die zeit irer geburt sol nit zü  
frü gewesen sein weder zü dem kinde/noch zü andern.  
Die gestalt ires leibs sol also sein/von angesicht vñ wol  
gestalt braun/die do hab einen starcken dicken halo/  
ein starcke weite brust/die nit veist/nit mager sei/son  
der leibig oder fleyschig. Sie sol nit hangend brüst ha  
ben/nit klein/sonder mittelmessig vnd volkōmen. Güte  
löbliche sitten soll sie an ir haben/das sie nit forchtsam  
oder erschreckig sei/nit kleinnütig/nit zornig/fleissig  
vñ sorgsam sol sie sein zü dem kind. Sie sol auch kensch  
sein.

sein. Wann vnordenlich begirden bewegen frauen zu  
 Franckheitē/ oder velleicht würt sie schwanger / dz dem  
 saugenden kind vast schedlich ist. Wann das best blüt  
 wirt gezogen zu der entpfangnen frucht/ vnd dz argest  
 bleibt in der milch / als Galenus spricht / darumb sol  
 man das kindt abmüteren als ob die Seugam sunst  
 Franck wer.

So ein Seugam blöd vnd von jr selbs ist / je minder  
 sie das kindt seuget/ je nützer es dem kindt ist:

Die Seügam sollen sunst kein Franckheit an in ha-  
 ben / wañ den kinden würd die selbig Franckheit auch  
 mit geteylt. Wann sol auch ein vff mercken haben auf  
 ire milch die soll weiß sein/ vnd süß. Vnd soll alles fremb-  
 den geschmack's frei sein. Es ist besser jr sei zuvil/ dann  
 zuwenig/ vnd sol mittelmessig sein / Nit flüssig / nit  
 wesserig / nit dick gestocket. Die erkennet man also/  
 Wan melck der milch auff ein nagel/ Gestect sie daruf/  
 so ist sie zudicke / Fleust sie ab dem nagel / so ist sie zu  
 dünne/ Bleibet sie aber vff dem nagel nit gestocket / so ist  
 sie gerecht vnd gut. Wan mag's auch also bewerren/  
 Welcke der milch in ein glas/ thū ein wenig gepüluerte  
 Mirzba darein/ vnd rüts vnder einander / laß vff ein  
 stund stehn/ Ist dann des dicken am boden mehr/ dann  
 des wesserigen oben/ so ist sie zedünn. Ist es aber gleich/  
 so ist die milch inn rechter maß. Darumb so bedarff  
 dicke vnd wesserige milch rats / biß sie mittel messig  
 werden.

Gute frauen  
 milch.

Cap. iij. Der Seugamen milch.

Die milch zedick ist / soll der Seugammen kost  
 ring sein/ Saffran in alle speisen nützlich gebrau-  
 G iij chet/

Apotecck der Kinder

also erbs brü/ kessbrü/ fleischbrü/ vnd haber müser von eyern zc. Sie sol auch meide hert/ grob fleisch/ gebach es/ fisch/ kess. Ir tranck sei ein subtiler weisser wein mit wasser vermisch/ ist er anderst starck/ Oder on wasser/ ist er ring. Sie sol dz bier meiden. Ein lautere Erbis brü gegilbet mit Saffran trinck sie warm oder kalt/ Oder ein wasser darin Tillen samen gsotten sei. Auch sol sie mer arbeyten dann sie sunst thet. Wann solchs nit hilfft/ sol man jr durch Arznei dz blüt subtiligen.

Seugammen  
speiß.

So der Seugamenmilch zü flüssig ist/ sol sie nit arbeiten/ vnd wol speisende speiß essen/ als von mus vnd milch/ jung fleisch/ Vn sol jr noturfft schlaffen zc. Ein wolgeschmackts bier gezimpt jr geessen vnd getrunck zc. Ein süßer wein/ darauß sie vnderweiln ein brot esse/ eingerst/ reis oder hirse. Also all morgens nüchtern ein warmen trunck einr kumilch mit ein löffel vol geriben Zucker candet oder sunst zucker/ darauß sie vasten sol dreistund/ trincken.

Auicenna.  
Vbel seugen.

Oder man nem ein teil geribens Tragant/ vnd vier teil zuckers vermüsch vndereinander/ solichs puluers nieß sie zü morgē ein eslöffel vol mit der milch oder on/ damit man d milch warneme biß sie zü irer maß kumpt/ vnd solicher rat zimpt besunder mageren Seugamen.

Auch sol sie nit nüchtern seugen/ güet wolgeschmackt speiß sol man jr zü essen geben/ als Auicenna spricht.

Wan aber die Seugam wenig milch hat/ so ist es auß mancherlei vrsachen. Entweders von übriger hitz des leibs/ dardurch dz blüt verzert wirdt/ Dann so soll der Seugam speiß sein die wol speißt/ vnd nit hitziget/ als  
von



Von milch muß/gersten vnd kern in fleisch brü gesoten/  
auch reiß oder hirs/ Salat vō Lactucken mag sie essen  
Gersten wa sser soll sie trincken/besunder der inn Lac  
tucken samem gsotten ist/oder die bletter ein wolgethon  
habent. In einer gemein/all kost die vil speist dienet  
wol zū vil milch.

Auch kumpt wenig milch von verstopffung d milch  
adern/ als gewonlich in kalten frawen geschicht. Die  
selbigen sollen in den fleisch brüen siedē fenchelwurtzel  
vnd tillen samem.

Die brüst geriben mit zarten leinin tüchern/ besund  
über drei stund nach essen oder nüchtern/ macht vil  
milch.

Vil milch machen fenchelwurtz tillensam/ vnd ein  
euter von geysen vnd schaffē die milch geben haben.

Zuicenna.

Auch frisch butterschmalz in wein getrunckē/ Eniß/  
ebeschomen/ Lattich in gersten wasser gesotten/ solich  
kost oder in tranck weiß gebrauchet/ machent überflüß  
sige milch.

Alle gesuntheit des Kindes stet in dem/ das die Seng  
am die obgeschriebnen tugent an jr habe.

Cap. iij. Vnnatürlich größe der Kinder haupt/  
darumb man sie wechsel kindt heißt.

**A** Vicenna neñt diß ein wesserig haupt geschwulst/  
etwa in muter leib/ mererteil doch sibentag dar/  
nach. Gentilis zeigt d:ierlei vrsach an. Vbrig  
haubtes feuchte/ dicke in der hirschal/ dempff so sich  
im haupt in wasser verkeren/ Verziehen sich also alle  
kranckheiten auß muter leib biß sie mit der zeit vrsach  
dazū habē/ als in den rot flecken/ durch schlechten/ bla/  
tern zc. gesehen würdt.

Gentilis.

Also

Also auch in diser Franckheit/ Die weil aber die frucht inn mutter leib ist/ von hitze der muter vnd subtiligheit der hirnschalen / so werden die dampff verzert/ welches nit geschicht so es auß mutter leib kompt.

Fur dises sol man die Seugam seuberen mit artzney von dem haupt. Sie sol meiden alle auffriechende speisen/ vnd was sie blähet in dem Magen.

Dem Kind sol man in seinem bad sieden in einem secklin Salbeien/ vnd soll im das auff sein haupt legen im bad. Nüchtern sol man es baden. Nach dem bad streich man im in sein naslöcher bitter Mandel öl/ vnd Dillen öl mit ein federlin/ vñ laß es darauff schlaffen ehe man ihm zeessen geb.

Die seugam trinck ein weiß lilien wasser. Oder geb man dem kind je ein trüncklin/ mag es geniessen/ Vnd vmb sein haupt sol man es warm halten. Vnd so solches nichts hilfft/ so nimb Serapin/ Sarracol/ Gummi von Mandeln vnd von weissen Weirauch. Solchs misch vnder einander in eins pflasters weise / setz dem Kind als ein schlepplin auff

Hilfts nit/ so brat Knoblauch haupter in einer heissen asche/ vñ darzü zerknitsch es darnach zü ein müß/ darunder vermisch ein halb lot weirauch / vñnd lege es dem kind darnach über sein haubt etlich tage/ wann es zeucht dem kind sein haubt in die natürliche form.

Darnach mach man nasen zepfflin auß wolffes gallen vnd hirn mit mirra/ vnd zwen Monath alle acht tage einest so schieb man im der zepflin eines nüchtern inn der naslöcher eines / vñnd laß es ein halbe stund darinn.

Auch

Auch kompt die größe des haupts von groben plästen vnd dämpffen/ welch die har des haupts auß bäumend. Vnderscheidt so es von feuchrigkeiten ist/ oder von plästen erkent man also. So man in die wesserige geschwulst greift/ so blibte in teil/ welches nit geschicht so die geschwulst von blästen ist.

So die geschwulst von blästen ist/ so nem wolgemüt/ vnd bibergeil/ vnd welschen Kummich der do gebeist sei/ vndereinander vermischet/ gepüluert/ des sol man dem Kind morgens nach dem bad ingeben/ drei gerste kórner schwere/ inn Maioranwasser/ oder inn Rosen honig streich man im es ein/ od man streich im ein wenig triacters ein/ ein morgen das ein/ vnd den andern tag das ander.

Kleine oder größe des haupts so sie an den Kinden von geburt ist/ hat nit rat.

Cap. v. Von der frantcheyt genennet dürstig.

Diese Kranckheyt kumpt von ein hitzigen Apostenem des hiensels. Die zeichen seint/ grosse hitz vñ wee des haupts/ vnd dürze der zungen/ vñnd des Kinds angesicht würt bleich/ vñ thüt die auglin hart auff.

Anfeuchte das Kind stetigs vmb sein haupt vñnd stirn mit einem wasser darinn nachgeschribne ding gesotten/ Kürbißschelff/ Magschelff vñnd Somlattich/ Nachtschaten/ Rosen. Vnder wasser thu ein wenig essig/ darinn netz ein tuch/ vñnd leg dem Kind ubers haupt/ das netz vnd feucht es offt an/ oder mit rosen öl/ essig vnd eyerklar vnder einander geklopft/ damit  
 D feucht

Apöteck der Kinder

feucht man dem Kind sein haupt / vnd geb im zetrinckē  
sewletter wasser / oder ein mandel milch / vnd zucker  
rosat / oder zucker von sewpletern geb man im oft in /  
vnd behuts vor allem das do hitzig.

Caput. vi. Von wachen.

**S**o die Kind vast wachent / so bedürffen sie rats /  
Wann wachen mer dan in gebürt / ist ein anfang  
mancherlei Kranckheitē / die sich im schlaff sunst  
verzereten / Vrsach ist / so schwere dämpff auffriechen  
von arger milch dem Kinde in sein haupt.

So die Seugam schlaffen wil geen / sol sie ein trunct  
eint milch thun die außzogen ist von einem teil mandel  
vnd ein teil weiß Wagsom. Auch sol sie sich sunst orden  
lich halten. Das Kind sol man salben mit nachgeschri  
bener Salb / vmb den schlaff / vnd darüber ein tüchlin  
binden. Nimb populeon salb ein lot / weiß Wagsomē /  
vnd Bilsen samen / jedes zehen gersten Körner schwer /  
vermisch vnder einander. Wann soll im auch des ab  
endts vor dem salben violöl in seine naslöcher streichē.  
Oder nimb frauen milch die ein tochter seugt / ein eiß  
weiß vnd Lattich safft / vermischs vnder einander /  
Ein peuschlin von zartem tüch darinn genetzt / Die  
binde im über seinen schlaff / nachts vmb schlaffes  
zeit zc.

Cap. vii. Von dem Gicht.

Zwo vrsachen  
der Gicht.

**G**icht in Kinden ist dhinfallend siechthum. Köpt  
sie an / entweder so bald die frucht an die welt ge  
born / od ein zeit lang darnach. Des ersten vrsach  
mag sein vno:denlicheit der mütter die es geboren / so sie  
it

It abbricht in gelüsten. Oder blödigheit des haupts  
der frucht.

So aber Gicht Kindern kompt nach der geburt/  
so ist vrsach argmilch der Ammen / oder vno:denlich  
saugen / ietz zuvil / dann zuwenig / oder mer dann es ver  
deuen kan / oder forcht vnd vnbehütbarkeit halb.

Wann Gicht kinden kommen so bald sie an die welt  
geboren / so sterben sie gewonlich.

Wenn die frucht an die welt geborn / gib jr zum ersten  
dise Latwergj . leffel vol. Zucker Bolermo vier lot /  
mit süß new abzogen mandel / mach ob ein senfften  
feurlin wie ein müßlin. Soliche gib dem Kinde sunst  
offt zwischen essen vñ saugen / ein stund vor vnd nach.  
Dals kind auch in rüw vnd finster / gib jm abbruch  
lich zesaugen.

Vorzeichen des Gicht nach der geburt ist / viel weis  
nē / wachē / forcht im schlaf / schwer atems geschmack.

Die Seugam soll sich ordenlich haltē / sonderlich vor für Gicht  
epffeln hüten / Wan sol sie auch purgirn vom haupt.

Dem kind sol man wenig vnd offt zsaugen gebē / still  
vnd finster haltē. Vnd vor ander offen hirnshalen sal  
ben mit ein teil Camillen öl / vñ mastix / mo:gens / dar  
uff sehe dis puluer. Mastix iij. quint / virnise ein quint  
misch vndereinander / dz mans all mo:gen salb / vnd dz  
puluer darauf sehe / bis selb herab felt bei sechs wuchē.

In sein nas löcher streich jm altageinst Camillen öl.

An den hals hencē jm peoniē wurtz / odein Smaragd  
Worgēs ein wenig tiriac mit rosen sirup / wie einweich  
teglich ingestrichen. So man sie baden wil / siede ein we  
nig Camillen im bad. Nach dem bad salb jm sein mäg  
lin mit Mastix vnd süßem Mandel öle. H ij Lo

Apotec der Kinder

Es kompt die Kinder oft nach dreien jaren an/ Ver-  
endert sich doch etwan wie vil andere Franckheiten in  
zunemendem alter.

Wann soliche Franckheit einen nach xxv. jaren be-  
greiff dem hangt sie gewonlich sein leben lang an.

Cap. viij. Von der Selbstucht.

**S**elbstucht kompt in saugenden Kindern von gros-  
ber vnd dicker milch der Seugamen/ dadurch die  
weg der Lebern vnd der gallen verstopfft wer-  
den.

Die Seugam sol man halten wie obgeschriben/ von  
dicker milch wegen. Auch sol man jr lassen vff einer  
hant oder arm zu der lebern. Dem kind sol man siedent  
in seinem wasserbad erdbertraut vnd wurtz in einem  
secklin. Nach dem bad geb man im al morgē ein quint  
lin oder ein halbs Triasandali/ zertribē in Distel Sir-  
up/ in eins müslins weiß/ daruff laß fasten anderhalb  
stund. Vnd so es vast dürstig ist/ so geb man im oder  
der Seugamen zetrincken Distel wasser oder Erdber  
wasser. Die Seugam meid bachē/ fisch/ kēß/ dz Kind  
tragnit an lufft.

Cap. ix. Von der Kur.

**D**ren kommen den Kindern gewonlich so in die zā-  
hn auffgend von der vnderung wegen/ oder von  
arger milch/ von kelte/ oder vō überflüssigkeit an-  
derer böser feuchtigkeit.

Die seugam sol alle morgen nüchtern ein trunck thun  
abgeleschter geismilch mit heissen kispiling steinen/ dar-  
auff sie drei stund vast. Ir kost von brates vnd anderē  
kosten

Kosten die da trincken. Ir tranck sei ein gestähelets  
 wasser / ist die rür mit hitz / od ein roter wein vermischet  
 mit gesteheltē wasser / ist sie on hitz. Dem kind geb man  
 ein alt zucker Rosat / gelindert mit sirup von Rosen /  
 oder Margaran öpffel sirup / das mann mit einem lot  
 ein halb quintlin Beimenten puluer vermischet / des  
 streich man dem kind ein. In seinem bad sied man Ro  
 sen / Camillen vnd Beimenten in einem secklin. Auch  
 mach man ein secklin mit einem teil Rosen / halb Bei  
 menten / vnd ein quint Alipta Muscata / binds im  
 übern magen. Saugēt aber das kind nit / so geb man  
 im selb die abgeleschte geismilch / Auch ein mandel  
 milch / die zih mann auß mit gestäheltem wasser. Wan  
 solinen die rür sunst nit freuenlich verstellen / sie wolte  
 dann fast überhand nemen / vnd das kind schwächen.  
 Dann nim ein maß gestälten wassers / thu ein halb lot  
 gebrent Delffen bei n drein / dauongib im zetrincken /  
 Oder ein städlin mit ein eier totter / vnd einer halben  
 muscatnuß vff einer hertstat / Darnach sends in einer  
 maß gestäe'ts wassers / gibs im zu trinckē / sunst brauch  
 obgeschribne Artzneien.

Cap x. Herte des leibs an dem stulgang.

**S**o saugende Kinder hart im leib seind / soll man  
 die Seugam lindern / sunderlich so sie auch hert  
 an irem stulgang. Den Kindern sol man zäpflin  
 binden einstossen von hertem gsalzen schmaltz / zwei  
 oder drei vff einander / Auch geb man in ein rohe butz  
 ter.

Wann Kind auß den zwölff wochen kommen / vnd  
 fast hert im leib seind / also das sie gelb vnd bleich dauon

H iij werz

Apotecck der Kinder.

werdent/ so mag man inen on sorg eingeben drei meuß  
Eat inn der milch zertriben/ damit ein muß gemacht.

Stier gallen über den nabel gebunden/ gesotten mit  
honig treibt die kinde. Auch mag man inen on sorge  
ein zäpflin auß der Apotecck einstossen.

Caput . xi . Ob Kinden der Maß oder Affter  
darm außgeht.

**W**asfgang gat den Kindern herfür aus dem leib/  
entweders von hertigkeit der stül/ oder gezwang.  
Wann der Wasfgang heraussen ist/ sol man die  
Kind in Bappelen baden/ darnach leg im ein tüchlin  
in warm violöl getunckt/ drüber. Vnd so d Wasfgang  
wider hin ein/ so bad das Kindt in wasser/ darinn Ro  
sengupfen/ eycheln/ heidelber kraut/ Maioran schelfen  
gsotten seien / wann es behelt den Wasfgang innwen  
dig. So er aber von des zwangs wegen her auß gehet/  
so halt man das kindt stetigs warm/ mit warmen lei  
nen tüchern/ stetigs vmb sein Wasgänglichin.

Cap - xij / Wie sich die Seugam mit essen vnd  
trincken halten soll/

Seugammen  
Speiß/  
Tranck/

**S**o sich ordenlich halten/ gesunde kost brauch/  
den/ die jr nit beschwernuß in dem magen machen  
als milch/ eier/ frisch fleisch/ ruben/ grün kreuter/  
gersten kern/ erbiß/ biern/ käßbrü/ vnd der gleichen. Ir  
tranck sol nit von starcken wein sein / sunder ring milk  
wein/ die nit zesaur seind/ die nit brechent oder zehe ges  
wesen. Bier ist ein bequemer tranck/ doch das es niter  
saur sei. Frisch wasser zu Summer zeiten den hitzigen  
Seugamen ist gesunt/ vnd nützer gersten wasser/ wann  
es



es macht vil milch / oð ein wasser gesottē mit ein ranse  
eins rucken brots. Aber in kalten Seugamen / oder  
Winterszeiten so laß mann mit dem wasser erwellen  
ein halb hand vol tillen samen / vnd ein halb hand vol  
kümich / beide zū fünff quintlin seidt in. Oder manner  
well Fenchelwurtz in wasser.

Nicht vilessen noch trincken macht ein wolseugende  
Seugam / sie soll ordenlich jr speiß nemen / auch trinckē  
nach der kost / vnd dann verziehen biß solche kost verdes  
wet wirt / Nit das sie auff vollen magen esse nach jres  
bauches vrlaub / Wan was vnoordnung die Seugam  
an jr hat / das gat an dem kind auß.

Sie sol meiden all wolgesaltze kost / saltzens / digens  
fleisch / über feist kost / vast gewürtzt kost / Aschlauch /  
Knoblauch / Zwiffel / senfftern / vnd was in das haupt  
reucht.

Von gewurtz mügen sie brauchen Zimetörlein / mus  
catnuß / muscaten plu / vnd bescheidenlichen vō imber.  
Fleisch vnd visch ob einem mal / milch vnd visch / milch  
von wein getruncken / Schweinen fleisch vnd süßwein  
dar zū trincken sollen sie meiden / wann soliche kost ma  
chet die Seugam vnd Kind geschickt zū lang anhang  
enden krankheiten / als da ist rauden / außsetzigkeit / vñ  
desgleichen / als Auicenna spricht.

Allerlei visch machent arge milch / doch visch on schü  
pen / vnd feist / visch seind schödlicher dann die mit schü  
pen vnd heysß gesotten mit obgeschriben senfften ge  
würtz in gemacht. Krebs Summerszeiten machen  
güt milch.

Cap

**N**un sol warnemen ob ein kindt vollkommen sei. **o**der ob es übel speiset sei worden in mutter leib. Ist's volkomen so sol mans weder mit essen noch mit trincken übernötigen/ auff dz minst die ersten drei tag/wann es hat speiß genug die es abdeuen sol/ vnd je mer es schlafft/je nützer es im ist. Auch sol man des kindes warnemen fleißiglich so es überget.

Wett das kind einandere Seugammen dann sein mutter / wer besser et'ich tag. So nun das kind abdeuet/ sol man im ordenlich zesaugen geben/ nit zuvil/ dester offter/ als über ein stund oder zwo nach gestalte des Kindes.

Weder von essens noch von drinckens wegen sol man es von seinem schlauff erwecken / je mer sie schlaffen/ je nützer es im ist.

Nach dem bad sol man es nit seugen/ es sei dann ein gute stund vergangen/ so aber kind übel gespeist vnd mager seindt / mag man in jr noturfft wol geben zu saugen.

Über all ein auffmercken haben / dz man in nit mer speiß noch getranck geb dann sie verdewen mügend/ wann kind übergeen / vnd haben vil pläst des leibs/ vnd beschend daruon. Wo solchs geschicht / sol man in nen bscheidlichen abzuch thun/ vnd nüchtern baden/ vnd da das mäglin / nach dem baden salben mit Rosenöl vnd wermut öl vnder einander vermischt/ vnd dann gemechlich entschlaffen mit gemechlich wiegen.

**M**ilch brei ist die beste Kinder speiß / so sie darned  
ben zesaugen haben / Haben sie nit vil zesaugen /  
gib inen dester mer zeessen.

Die bellerlin verbren man inen nit mit heisser speiß /  
Es gibt im alter böse zän. Vermeinet etwan ein weib /  
wann sie der bepp nit an iren groben finger brennt / es  
brenne das zart kindlin auch nit / bedarff darumb wol  
fleiß.

Allein mit bepp vnd milch seindt die kind zespiesen  
biß in die vordern zehn gewachsen / als dann mag man  
inen stercker speiß geben / als brot in milch od in fleisch  
brü / oder erbiß Brü. Vnd so sie elter werden / gib in von  
magerem wolgsotten fleisch über zwerch gschnitten /  
wenig / vnd von anderen dergleichen ringen kosten /  
Wann von starckem fleisch wachsen würm. Natur /  
lich zeit zeseugen ist zweijar. Ob sie aber in der selbigē  
zeit anders begereten zü trincken / mag man in wol  
ordenlich zü zeiten ein frischen trunck wassers geben /  
oder ein wasser das ein wal gethon hat / vnd wider er /  
kalt ist / oder etwan ein wolgewesserten wein.

Würm wach  
sen

Alicenna /

Darumb spricht Alicenna / man sol in geben ein  
wenig wasser / oder ein wasser mit wenig wein ver /  
mischt.

Alicenna

Vnder spricht / so kind andere kost dann bepp vnd  
milch essen / so ist inen der wein schedlich / als hernach  
volgt.

Jelenger man dz kind seugt (doch mit güter milch)  
je besser es ist.

Wann sol alle tag saugens etwas abbrechen / vnd  
darfür ein trunck wassers in ein hülzen geschirzlin /

J dar

Apöteck der Kinder.

Darinn ein ranfft eins rucken brotz ein wal gthan hat/  
vnderkaltet sei / oder eins zucker wassers damit einer  
maß wassers zwei lot zuckers erwalt seind / so lang als  
mann herte eier seudt / oder des gleichen ein tranck ge/  
ben / Besunder so die kind wol erstarcket seindt / Wo sie  
aber noch jung / als vnder dem jar / vnd man sie entwe/  
nen wil / so geb man in auß ein memlin oder küglin ze  
trincken geiß milch / gekocht mit dem vierden teil was/  
sers.

Auicenna spricht / so man Kinder abmütern wil / so  
sol man in ein Latweg machen / mit brot vnd zucker /  
welches man in je einwenig geb.

Wann aber die kind die brüst freuenlich mit gros/  
sem weinen suchen / so zertreib Mirza in wein / vnd  
streich in vmb die wartzlen der brust / od wermut safft /  
vnd leg dann das kind an zusaugen.

Cap. xv. Ordnung der Kinder von dreien jaren.

**S**o kind kommen über drei jar / so heischt ir natur  
vil essens / das soll man in ordenlich reychen nach  
nottürfft / wenig zū mal / vnd defter offter.

Kindt sollen nit abbruch haben mit essen / von des  
wachsens wegen / vnd von kost die ir derung zerstö/  
ren / das ist / das sie vil druckens brots vnd visch essen.

Böse ordnung in der jugent erzeigt sich in dem alter.  
In gemein der kind ordnung / mit essen vnd mit  
trincken soll feucht sein.

Wan in die leng / breite / vnd tieffe irer natur müssen  
sie wachsen / das mag on feuchte nit sein. Auch sollend  
kind ordenliche übung haben / dardurch sich natürliche  
werme

werme an in meret vnd erwegete / das sie krefftiger an  
 iren gliedern werdent. Die übung sol aber nit zu vil sein /  
 das sie die speiß nit verzer darauß sie wachsen sollen.

Cap. xvj. Von den Franckheytten den kinden  
 zu merem teyl züstendig.

**S**odie kind Franck sein dieweil man sie seuget /  
 soll sich die seugam halten als ob sie die Franck-  
 heit selbs hett.

Ist die seugam volkommen vnd rotenhaft / so sol  
 man ir lassen zu der adern / wer sie aber bleich vnd pfis-  
 sig / villeicht bedürfft sie seüberung / welchs alles gesche-  
 hen sol ee man dem kind rat thu seiner Franckheit / das  
 ist das erst fürnemen in allen Franckheiten der kind.

Etlich Franckheiten kómen den kinden ee in die zen  
 auffgend. Etlich aber so in die zen auffgangen seind.

Ursach der  
 kinder Franck-  
 heytten.

Cap xvij / Von Neriß oder Rauden der kind

**N**eriß ist ein geschlecht der Rauden / vnd wider-  
 fert den kinden vmb das angesicht dem merern  
 teyl.

Neriß ist zweierlei. Einr ist onucken vñ beissen. Der  
 ander ist mit iucken vñ beissen / vñ hat schiepe. Ursach  
 des Neriß ist überflüssigkeit des bluts / vñ ander feuch-  
 tigkeiten die drauß getriben werden / von inwendig des  
 haubs. Die vorzeichē des künfftigē Neriß ist schwach-  
 heit des Kindes / vil weinen vnd schreien.

Dafür sol die seugam gering kost gegen nacht essen.  
 Sol auch meiden alle kost die in dz haubt reucht. Ds  
 kind sol man bescheren / vñ auff die Rauden legē blet-  
 ter von malt / sie ziehen böß feuchtigkeit heraus.

J ij Vnd

Apotec der Kinder

Vnd so der Nieris heraus ist/ so salb de Nierison schüpen mit der nach beschriben salb.

Nimb weisse salb vnd glet salb/ einer jeden ein halb lot/ Zwei gebratne eyer dotter/ vnd vermische es in ein mörser mit ein lot laugen die do gemacht ist auß wechholter eschen in einer salb weiß/ damit salb mann das Kindt.

So aber der Nieris mit grossen iucken ist vnd schüpen/ vnd fleußt daraus gelbs/ zöhs ding/ als honig/ so sol mann morgens sein haupt waschen mit zwei theyl Beimenten wasser/ vnd ein theil Maioran wasser/ vñ dann die salb darüber streichen. So er wol heraus ist/ so nimb weisse salben/ vnd glet salb/ jedes ein halb lot/ Schwefels vnd effigs jedes ein quintlin/ vermisch es vndereinander in ein salb.

Cap. xviii/ Von läme den Kinden züstendig/

Für läme

**S**o Kind vollkommen seind/ vnd inen die zen hart sauff gehnd/ so erlamen sie zu zeiten von grosses schmerzens wegen/ Welch lämung die derung zer störet/ dadurch vil überflüssigkeit in inen werdent/ die die weichen geeder erlâmen.

Die Sengam meid alle feiste kost die hert zedewen ist/ vnd brauch subteile kost die da trücknet. Dz kindt sol mann nüchtern baden/ vnd in dem bad sied mann Camillen/ vnd so mann dz kindt außbadet hat/ so salb mann es hinden von dem nacken durch den ruck grat/ fürab mit weißlilgen vñnd bibergeyl öl/ mit gelbem wachs zerlassen in einer salb weiß. Auch sol mann im all morgen jgeben der nach geschriben Latwerge  
fünff

fünffzeen gersten körner schwere nach dem minsten/ Galenus  
vnd dreissig nach dem meisten.

Nimb Beimenten/ Rosen/ Zitwer/ Niegelen/ Zimet  
rör/ Mastix/ Baldrian wurtz/ Meameos/ Grafa/  
eins jeden ein quintlin/ Bisem. xv. Gersten körner sch/  
wer/ soliches gepüluert laß man er weichen in bitter  
Mandelöl zwei lot/ vnd wider ertrucken/ dann mit so/  
vil verschaumpts honig als not ist/ so mach man ein  
Latwergen. Auch nimb zwei lot altes baum öl/ vnd  
ein quintlineu forbiß/ vnd zwei quintlin gelbs wachs/  
vnd mach man ein pflaster darauß ob einem senfften  
feürlin/ welches man vff ein lederlin zihē sol/ vnd bind  
es über sein rücklin nach dem salben.

So aber Lame in Kind kumpt nach fieberen/ vnd  
sie vast verzert seindt/ so bad mans alltag inn wasser/  
bad/ darinn pappelen vnd Violen gesotten seind/ vnd  
nach dem bad salb mans durch den ruckgrat/ mit viol  
öl gemacht in einer salb weiß mit weisem wachs/ Auch  
das vorderteyl seins haubts da die kindt lang offen  
seind.

Caput. xix. Von feuchrigkeit die Binden  
auß den oren fließen.

**F**liessende oren kommen von übriger feuchrigkeit  
des Haubts. Dafür sol man baumwoll in die  
Oren schieben in meißlen weiß/ welche die feucht/  
tigkeit an sich ziehen. Vnd wann man meer trucken  
wil/ so zertreibe man alaun in wenig wein/ vñ tunc  
die baumwoll darein/ vnd schieb es in die oren.

Wann aber feuchrigkeit auß den oren fleußt/ als auß  
geschworen/ so senck ein tröpflin oder drei honig was/  
Jij fers

Apotec der Kinder

Sers in die oren/ vnd neig das Kindt das es wider her/  
auf fließ vnd rinne. Das honig thū man zwir oder zū  
dreimalen hinein biß es lautter wider herauf rinnet.  
Darnach nimb Kirzha vnd Eichöpffel gepuluert in  
wein vnd honig wasser zertriben/ thu bei drei tröpflein  
in ein ore.

In oren artzney sol man etwas warms thun/ der au-  
gen aber soll man kalts thun.

Diß vnd der gleichen geet gemeinlich mit zunemende  
alter selber ab.

Cap xx/ Geschwulst vnd wee der augen/

**E**S kompt den kinden geschwulst/ schmerz vnd wee  
der augen von flüssen des haupts. Sind die hitz/  
ig/ so ist dz aug rot/ seind sie kalt/ so ist es aug weiß/  
nit rot.

So es von hitz kompt/ so nimb rosen wasser/ Bonen  
blü wasser/ vnd Betonic wasser/ vermischet vnder ein/  
ander/ gleicher maß/ darinen netz man ein tüchlin vnd  
lege dē kind über die augen. Nim ein wenig Campfer/  
zertreib in mit frawen milch/ Vnd gegē der nacht thu  
dem kind ein tröpflein in seiner naslöcher eins.

Das Kindt halt in finster/ vnd laß es vil schlaffen.

So aber die geschwulst vō kelt ist/ so nim Fenchel was-  
ser vñ Betonica wasser/ gleich vnder einander/ vñ ein  
tüchlin genetzt darinn/ leg dem kind über sein augen.

Ambra zertreib mit frawenmilch/ Thū dem kind ge-  
gen der nacht ein tröpflein in der naslöcher eins.

Cap/xxj- Von Schilhen/

**E**S Kind schilen von art oder sunst/ so setz man in  
etwas für das sie begern zū sehen wider das schilo-  
ben. Auch



Auch soljn niemandt nahen zü der schilbenden seiten/ vnd oft sehen in ein stähelin spiegel auß einer cappen auff die vnschilbende seite gericht/ das es nit anders sehen mög dann in den spiegel/ so lang biß es entschlafft.

Dz thu oft/ so wechset es im ab. Wo aber and' kranckheiten der augen künden zü steen/ so ist in darinn zü raten wie den eltern/ doch mit leichter Artzney.

## Caput. xxv. Von zähnen.

Zehn gend etlichen Kinden leicht auff/ vnd mit wenig wee/ Die selbigē fallen in gewonlich wider auß. So aber die zahn hart auff gend/ vnd mit grossem schmerzen/ so seind sie dester stercker. Auch gend zahn leichtlich auß im Glentz/ darnach im Summer/ vnd am hertsten im Winter.

So zehn auff gend wöllē/ so steet den Kinden mancherlei zü als geschwulst vmb die bellerlin vnd hals/ Werden gern durchbrüchig/ vnd sunst kranck.

Wann die beller anfahen zeschwinden/ sol mans in reiben mit saltz/ vnd honig/ wann es nimpt inen die wee/ vnd krefftigt die bellerlin. Vnd so die zen herfür komment/ so laß man sie kifen an Feigen oder feuchtem süßholz stengel. Vnd wann in die spitzen auff gend wöllē/ so begern sie fast zekifen vnd zubeissen/ Wann sol sie verhütten das sie nit hertes keuen.

Die beller sol man in reiben mit Hasen hirn/ vnd hennenschmalz/ od mit hunds milch/ wann jr eigenschafft ist zemiten den auff gang der zen. An har wachse dz gesottē ist laß man sie keuen/ oder an feuchter vielwurtz/ oder süßholz gefaßt oder stengel.

Cap

Cap. xxiiij. Von geschwulst vmb das kinbein.

**S**olche geschwulst kompt zu zeiten so kindē zen auff  
geend/ oder darnach. Dann kompt sie von übriz  
gem trincken/wann flüß koment die solich gesch  
wulst machent. Wann sol sie warm halten vmb die ge  
schwulst/ vnd salben mit einer salb gemacht auß Viol  
öl vnd Rosen öl gleich mit gelbem wachs ob einem senf  
fren feürlin/ vnd verbindes dan mit warmen tüchern.  
Wann solchs nit hilfft/ so nim dincckel kleie vnd Loröl/  
vermisch vnder einander / vnd bindes dem kind über  
die geschwulst/ es verzert es.

Cap. xxiiij. Von blatern die den kinden in  
dem mund werdent.

**B**latern werdent kinden in dem mund von arger  
starcker milch der seugamen/ vnd seind mancher  
ley. Etlich sind rotlecht / vnnnd da fleüst wenig  
speichel von. etlich weiß/ da fleüst kein speychel von/ et  
lich aber schwarz/ vnd die seind sorglich.

Die Seugam sol meiden allhitze vnnnd versaltze  
kost vnd tranck. Wann aber die blatern rotlicht vnd  
gelb seind/ so sol mann dem kind oft instreichen/ Vmb  
erdum zertriben mit Rosenwasser in eins dünnen müß  
lins weiß/ desglichen Margaran öpffel safft im mund  
gehalten/ vnd maulber sals zertribē mit Wegrass was  
ser dem kind ingeben das es im mund halte.

So die blatern vngeschlacht schwarz sind/ soll man  
dem kind Schnellblumenwasser / vnd nachtschaten  
wasser oft in mund geben darin zuhalten. Lattich  
safft im mund gehalten ist auch nutzbar.

So

So aber die blatern weiß/ vnnnd vil speichel fleußt/ so  
nim Mirra ein quintlin/ Zuckers ein halbs quintlin/  
vnd r. gersten körner schwer Saffrans/ vermüsch vns  
dereinander mit Rosenhonig/ vnd streich mann dem  
Kind oft in mit rotem wein/ laß es oft sein mund da  
mit wuschen.

Cap. xxxv. Von Husten vnd enge des atems.

**H**usten kompt den kinden auß dem dz die zung nit  
genügsam ist zebeschirmen/ die weg des atems  
vor kelte. Wann sol in ein Mandelmilch zetrinck Hustens  
geben vßgezogen mit Fenchelwasser/ gesotten mit süß  
semholz.

Vnd so der hust mit dürre ist/ so nim schleim von eis  
nem geweichtē quiten kern/ leiloten wasser/ gwunden  
zucker das ist zucker benit/ gleich vil/ vnnnd mit süßem  
Mandelöl mach man ein Latwergen/ vnd geb den  
Kind oft in. Der gewundē zucker ist auch für sich selbs  
güt/ Vnd so der Hust mit Nitz ist/ so nimb weiß Mag  
sam/ Dragant ides ein quintlin/ Cucumersame zwey  
quintlin/ vnnnd mit Viel sirup als vil not ist mach ein  
Latwerge/ gib den kind oft inn.

Ein edle Kunst für der kind Husten.

Klein Welsch weinber/ vnd rösch sie trucken in einē  
heissen pfenlin/ darnach zerknishes/ thü souil gewun  
den zuckers dazu/ vnd mit Violöl mach ein weich Lat  
wergen/ die geb mann dem kind oft inn/ zermal einer  
haselnuß groß. Borrage zucker/ Veiol zucker dienet  
auch für den husten. Wann aber der Hust ist mit übris  
ger völle der feuchtigkeit in der brust/ so nim Dragant/  
K vnd

Apotec der Kinder

vnd Galbanum / eins jedes xxv. gersten kornen schwarz /  
oder in einem ei außzufauffen.

Ennge des  
Atems.

Wo aber die kind enge des Atems haben / so puluer  
lein samen / vnd vermisch mit Honig / gib im oft da  
von in.

Cap. xxxvj. Vndeüen / Erbrechen / Unwillin oder Geschen.

**V**ndeüen kompt in kinden von übriger milch die  
sienit verderwen mügen / vnd sunderlich so sie arg  
ist / vnd das kind ein feuchts vnd schwaches mäg  
lin hat.

Die Sengam sol sich ordenlich haltē. Auch sol man  
die milch bessern nach notturfft. Das kindt sol orden  
lich saugen das es verderwen müg. Auch sol man ein  
auffmercken haben / ob dz vnderwen saur sei / oder gelb  
vnd bitter.

Auicenna

So des vnwillen geschmack saur ist / so spricht Auic  
enna / man sol dem kind ingebē wenig gestoffen negli  
mit Niua vō Rutin / Oder man geb dem kind ein zehē  
gersten kornen von gepuluerter Beimenten in Sirup  
von Margaranöpfel. Oder der nach geschriben Lat  
wergen einer haselnuß groß / vor der speiß ein halb stüd /  
Timholtz von Aloes / Mastix / jedes ein halb quintlin.  
eichöpfel x. gersten kornen schwer / vnd mit Sirup von  
Rosen mach ein Latwergen.

Ober sein mäglin mach im ein solches pflaster / Tim  
Mastix / Schleen safft / eichöpfel / weissen Weirauch  
vñ wol gebet es brot / vermisch vndereinand / mit Ro  
sen öl / wann not ist mach ein pflaster / das leg dem kind  
in eins schiltlin weiß auff sein hertz grublin.

Wann

Wann aber dz vnwillen bitter vnd gelb ist / So geb  
man dem kind ein Kob von Agrest / oder vñ Rütten /  
oder der nachgeschriben bereiten kühlin eins / oder ein  
halbs das da geneñt wirdt Trociscus in Rosen Sirup  
zertribē. Nim rot rosen / breñt helffenbein / ides halblot  
gallas j. quintlin / Buccingo sam halb quint / Gelb Ag  
stein / xv. gersten kórner schwer / Püluer wñ zepuluern  
ist / Mit rosen wasser mach breite kühlin / Seins wege  
halb quint. Solch trociscos zertreib auch mit roswas  
ser vnd öl / in eins pflasters weise / legs dem kindt über  
sein mäglin.

Vnwilln bitter  
vnd gelb

Wenn aber die milch den kinden auffwölt so mans  
gseuget hat / so nemb Rosen sirup vnd agrest sirup vñ  
der einander / streich dem kind ein wenig inn vorm sau  
gen.

Wann aber die kind róch seind / so vermisch vnder j.  
lot obgeschribnen sirup Beimenten puluer xx. gersten  
kórner schwer / gibs dem kind vorm saugen inn an ein  
finger.

Cap. xxvij. Von würmen vnd wee im leib.

**W**ie im leib vnd klagen der kind im bauch kompt  
zñ zeitten von grimen on würm. Dunn sol mann  
in warme tücher über das leiblin legen / vnd vff  
fre beuchlin neigen / so legen sie die wee.

Wann aber solchs von würmen / so erkrimmen die  
kind im schlaffe / vñnd so sie erwachen / so iucken sie die  
naslöcher / des tags seind sie vast dürstig / vñnd truck  
ner auff der zungen dann die nacht / vnd fallent würm  
von in.

Zeichen der  
kind würm /

R ij Erst

Apotecck der Kinder.

Erstlich versuch Arznei die man außwendeg über/  
leg/ vnd binds dem kind morgens übern nabel bei drei  
oder vier stunden/ Dann vermisch lupin vñ lorber mit  
gallus/ legs dē kind über. Gib jm zetrincken ein warm  
en trunck wassers / darinn sebesten gesotten sei / Oder  
laß es essen bei sechs Mandelkern.

Wann mag Kinden eingeben wurm sam oder pul/  
uer/ Wils nit helffen/ so gib jm drei morgen nacheinan  
der ein warmen trunck milch/ Den vierden morgen ein  
halbes quintlin wurmsamen/ oder puluer in der milch/  
vñnd fast drei stunden darauff. Wiles aber noch nit  
helffen/ so such weiter rat/ wann Kind sterben etwan  
daran.

Caput. xxv iij. Brüchlin die Kinden Komment bei dem  
nabel oder gemechten.

**B**rüchlin Kommen in Kinden von übrigem weinen  
vnd schreien/ oder von grossen husten.

Nimb lupin vnd leinin lümpelin/ verbrens inn  
ein vercleibten öffelin in einr glüt/ Auß dem puluer  
mach mit wachs vnd gloriet ein pflaster/ legs dem kind  
über/ binds nach noturfft mit ein puschlin/ Vnd er/  
newer dz pflaster so oft not ist.

Oder zerknitsch Ameiß / vnd leg es über mit einm  
eyerklar auff ein hanff puschlin. So es herab fellt / so  
ernewers/ vnd binds wider.

Auch hat mann gmachte pflaster zü den beuchlin  
inden Apoteccken / fast güt vñnd bewärt darüber ges  
legt.

Cap. xxix/ Von Barnsteinen/

Darn

**B**arnstein kompt in Kindern so die mütter vil käß  
 essen. Vnd etlich sprechen / wañ sie essen vil brom  
 ber / Heidelber / oder Holber. Zeichen des  
Barnsteins

Zeichen des barnsteins seind. Kindt harnend offte  
 vnd wenig / vnd so sie meinend fast harnen / so mügen  
 sie nit. Auch habē sie wee vmb dietieche / Oder greiffet  
 im das Kind vil an sein scham / iuckt es / vnd steht im.

Wasche das Kindt Sieben morgen nach einander  
 auß ein wasserbad / darnach salbs vmb sein gemacht  
 lin mit altem baumöl / vnd alwegennach dem bade dist  
 tranck ein trunck geben. Nim vj. welische nuß die nit  
 gar zeittig sein / vmd ein handuol lohe oder pfarren /  
 solchs zerstoß vnder einander / vnd zeuch den safft dar  
 auß / des safts gib dem Kinde ein halbs lot / vñ ein halb  
 lot Sirup von Distlen / mit Erdtber wasser zu einem  
 tranck gemacht / darauff es faste zwo oder drei stun  
 den.

Wil aber solichs nit helffen / so ist geraten das man  
 nicht weiter Arznei versuch / sunder laß in schneiden.  
 Das befilch ich meistern die sichs vnderwinden.

Cap / xxx / Von Rauden / Eissen vnd Ldchern

**R**auden kommt gwonlich nach dem abmestern vñ  
 entwennen / so man die Kind nit halt mit kunds spei  
 sen / sunder man gibt in fisch / fleisch / wein / wasser  
 vnd milch vnordenlich.

Rauden sol man nit hinein treiben / sonder mit fleis  
 her auß ziehen / darumb sol man sie warm halten / vnd  
 mit behen ob einem warmen wasser herfür ziehen. Vñ  
 inwendigs geb man kunden Feigenwasser zetrincken /

**R ij vnd**

vnd die Feigen zessen. Auch Wegwart wasser / Ert /  
rauch wasser / Wermut wasser / Fenchel wasser ist in ge  
sundt zetrincken.

Vnd so die raut fast herfür kompt / sol mans Kindt  
über den andern tag auß einem wasserbad erwaschen /  
darinn Rosen zelt ersotten ist. Nach dem bad er salbe  
mans mit Violöl / milchraum / oder glet salb.

Schweißbäder sind im schädlich.

Zuckende  
Kaude /

So aber die raut iuckend ist / so bad mann dz kindt  
alle tag in einem wasserbade / darinn vil Bappelen ge  
sotten / vnd nach dem bad salbe mann dz kindt durch  
deruck gradt mit violöl gemacht in einr salb weiß mit  
weißem wachs bei einem senfften feurlin.

Eysen /

Wann aber die kind Eissen haben / so sol man den nit  
auffreissen / Wan sol aber darüber legen außs Apote  
cken / heist Diaquilon simplex / das auff ein tüchlin ge  
zogen in pflasters weise / wann es weicht vnd heilet.

Fratt /

Wann aber die kind frat seind oder werden von harm  
oder schweiß / so halt man sie trucken nach dem bad mit  
zespflin ab einem tüchlin geschaben.

Löcher /

So aber die Kind löcher überkōmen / so sol man sie  
heilen mit gletsalb / vnd mit weißer salb vndereinand  
vermischet mit einem zopffach übergelegt.

Caput. xl. von feberen /

**W**ann kind natürliche hitz an in haben mer dann  
in natürlich / oder zu einer zeit kelte / vnd darauff  
hitz / so seind sie feberig.

Wan saugende kind feber haben / so sol die Seugam  
meiden wein / fisch / fleisch / vnd eier. Gersten wasser soll  
sie trincken / Vnd wan dz Kindt am rüwigesten ist / sol  
man



man der Seugam̄en zur adern lassen/nach noturfft.

Darnach nem sie eins morgens ein quintlin Tiriac/  
vnd faste vj. stunden darauff.

Dem Kinde geb man ein Sirup von Agrest für dz  
durst/ Auch Roszucker / gelindert mit Rosen Sirup  
zū einer krefftigung.

Des gleichen thū man Kinden die nit säugend.

Wañ solchs nit helfen wil/ so mach man in die nach  
geschribne Salb/ vnd salbs vmb den ruck grat / vnd  
vmb die brust alle morgen vnd abents. Nim öl von gel  
ben serbletter blumen iij. lot / puluer der selbē blumen  
ein quintlin vō rotem sandel holtz / Saur ampffer sa  
men / rot Corallen / ides xv. gersten kōrner schwer / bein  
auß des hirschen hertz acht gersten kōrner schwer / Cam  
phor eins gerste korns schwer / Vnd was darunder ze  
puluern ist / das sol man puluern / vñ auch mit weissem  
wachs / vnd nim wenig Rosenwasser / vñ mach man  
ein salb mit kunst der Apoteker. Solche salb ist so kref  
tig vnd starck für das feber als dz gift wider dz hertz  
vnd ich habes bewert.

Cap xli / Von dem Gesegeten /

**S** Als Geseget kompt in kinden / so die natur auß  
treibet das überhitzig blut von inwendig des leib  
bes außwendig / vnd kompt zū zeiten vnder dem  
angeficht / vnd erhebt sich an dem spizlin der nass / vnd  
breit sich auß durch das angeficht.

Ist das kind saugent / so sol sich die Seugam̄ halten  
als ob sie das feber hett.

Auch

Apotecck der Kinder

Auch sol man jr lassen auff der gerechten hand oder arm zu der lebern / vnd velleicht bedarff sie seüberung von hitzigen feuchtigkeiten.

Dem kind sol man zutrincen geben distelwasser / oder der der Seugammen Wegwartwasser / oder prunellen wasser.

Man soles auch halten in zimlichem lufft.

So das Geseget herfür ist vnd nit verschwirt / so sol man die übrigen hitz ableschen / vnd den schmerzen benemen mit kaltem wasser darüber gelegt.

Wann das lautter hitzig Gesegete würt vertriben so bald die vngestüm hitz abgelöscht wirt.

Vnd doch hüt dich das du das Geseget nit wider hinein treibest inn die edlen gliedder / darinn sorg wirt über das kind / darumb muß man ein besunder groß auffmercken haben so das Geseget herfür ist / wann so die hitz ist das man nit besorgt entzündung der hitz / so ist nit not grosser ablöschung. Wo aber solichs zübesorgē / überleg gschabte tüchlin gnetzt in frischē fließen / dem wasser / oder in Korn blumen wasser / oder in nachtschatten wasser nach notturst / Vnd dem kind geb man fleissige in die ob geschribē wasser zutrincen / dardurch die innwendige glieder krefftiger werden / das sie desterminder solich hitzige feuchtigkeit entpfahend / sunder mer austreibent.

Caput-xliij / Von Kindes blatern vnd durch schlechten /

**S**ich schlechten vnd blatern kommen kinden von entzündung des bluts / vnd austreibent die vnreinitigkeit die die frucht entpfacht von verhebtem blut der frauen in mutter leib. ¶

Nun ist zu wissen / wie woldz Kind in Mutter Leib ge-  
speist wirt von dem zertisten vñ reinisten Blut der Frau-  
en / Nichts dest minder so entpfacht des Kindes Blut ein  
vermeligung in seinem Blut / darumb das verhebt Blut  
vmb es ligt da durch ein jegliches Kind muß auf dz minst  
einest gereiniget werden durch die durchschlechten od  
blatern ee es seinend seins Lebens erlanget. Vnd zu ein  
ebenbild / Wenn man ein vñ hab last lang steen in ein  
glas / weschet man dz glas gleich schön auß / vnd thut da  
rein ein geesten teig / so gat er doch auff vnd wirt vñ he-  
big. Also ist es auch in Kinden. Vnd ist genug wann ein  
Kind einest gereinigt wirt durch die Durchschlechten / od  
durch die blatern. Werden sie aber ofter dran Franck /  
das kompt auß vnordenlichem halten der Kinder.

Auch wiß das die Durchschlechten / vnd blatern den  
merenteil den Kinden kummen vmb zwei vñnd drei jare  
bis zu sibem jarn. Doch mügen sie später vnd auch frü-  
er kummen / nach dem vñ die Natur ire geschicklichkeit  
findet solche überflüssigkeit auß zutreiben oder nach dz  
vñnd sie auch gefordert würt von gestirn. Ursachen /  
Blatern oder durchschlechtē seind zweierlei. Außwen-  
dig vnd innwendig. Außwendig als von Luft / wann  
warmer vnd feuchter luft dienet darzu / darumb kom-  
ment sie gern im glentzen / darnach an des Herbstende /  
besunder so der Summer hitzig vnd trucken ist gewesen.  
Ist aber der Summer warm vnd feucht / so komment sie  
darin. Wann aber der Herbst trucken ist / so komment  
sie am end des Winters vnd im Lentzen / als vorläufer  
der Pestilentz.

Sie kummen auch zu zeiten vor der Pestilentz / dann  
L sterbent

Zweier lei  
blatern vnd  
Durchschle-  
chten.

Apotecck der Kinder.

sterben die kind vast daran / darumb heist es Nasio also.

Inwendig aber vrsach zweierlei / entlich vnd machende vrsachen. Entliche vrsach ist darumb / dz dz blüt gereiniget werde. Machend vrsach ist die überflüssigkeit die im blut ist / welche die natur reytzt auß zütreiben.

Zeichen. Etlich seind vorzeichen / durch schlechten oder blatern. Etliche aber zeichen. Vorzeichen seind / grosse Hitz des Kindes / Durst / enge des Athems / Naubtwe / Ruckwe / schwere des Schlauffs / vnforcht / Wesserung der Augen / vnd gend stich auß in allen gliedern / vnd zitterent in die bein so sie aufsteen sollen / vnd speichlent vil / vnd ranckent sich / Der zeichen kommen ein mer dann dem andern.

In durch schlechten wässernt den kinden die augen vester dann in blatern / vnd haben nit so groß ruckenwe / aber da ist grössere hitz / vnder zeigen sich belder dan blatern.

*Fünfferley glider vor den Durch schlechten zübewaren.* Nun ist zewissen so man an kindē also durch schlechten oder blatern warten ist / so sol man fünfferley glider beschirmē ee sie sicher zeigen. Die augē / als mit kampffer wasser gemacht / mit Rosenwasser / Desß thu man dem kinde einst ein tröpfflin in der augē eins. Darnach nim Rosenwasser / Bonplüwasser / vnd Vetonienwasser / vnder einander vermüschet / vnd netz ein tüchlin darinn / vnd legß dem kind über die glider der augen.

*Augen. Nasen.* Die Nasen bestreich man oft innwendigs vnd außwendigs mit Rosenwasser.

Den

Den mundt vnd die kelen beschirmet man mit War-  
garan öpffel safft in dem mund gehalten / vnd damit  
gegurgelt. Auch vnz. itig Maulber geseltz zerriben in  
wasser / darin welsch Weinber gsorten sein / damit ges-  
gurgelt

Mundt

Die Lungen vnd Brust mit Diatragant / vnd Zu-  
ckerbenit / odder Zucker Candi im mund gehalten / das  
mans gemechlich zerfliessen laß.

Lungen

Die gederm mit Trociscen genant de Spodio / das  
ist von geprantem Hesseantbein / der geb man dem  
Kind ein. xx. gerstenkörner schwer / zerriben mit Rosen  
wasser / eines morgens. Aber zeichen vnd vnderseyd  
jr beider sind künlich dem gesicht.

Gedärme

Zeichen aber die do bedeuten genesen oder sterben in  
durchschlechten vnd blatern / do soll man mercken die  
farb / Wann Blaw / Schwarz / vnd Tunckel / die sein  
tödllich / welche aber Weiß od Rot sein / die seind genieß-  
lich / Vnd besunder so Nitz oder eng des Atems vnd  
ander züfell abnement so sie herfür seind. Wo aber sol-  
ches nit geschicht / so ist es ein zeichen das die durchsch-  
lechten vnd blatern nit all herfür seindt. Wann so sie  
auch bald außbrechen / als an den andern / am vierten /  
vnd am sibenden tag des anfangs des siechtums / die  
seind genießlich. Wenn sie sich aber am sechsten tag erzei-  
gen so sein sie sorglich.

Tödlliche do  
der genießliche  
Durchschlech-  
ten.

Auch wie vil jr seindt / wenn sie nit ineinander noch  
aufeinander wachsen / sunder ein jgliche für sich selbs /  
so sein aber genießlich.

Wan sie sich aber erzeigent vñ wider hineinschlahen  
vnd komptenge des Atems vñ grosse vngestüme hitz / so  
L ij sterben

Apotec der Kinder

sterbent die Kind / es sei dann das mans mit grossen  
fleisch wider heraus ziehe.

Gersten  
wasser.

In Durchschlechten vnd Blatern ist vnder schidlich  
nabeit zu halten der zeit der Kranckheit / Wan inn gross  
ser hitz ee sie sich erzeigen / so sollen sie meiden eier / wein /  
fisch vnd fleisch . Wann sied inen gersten wasser mit  
rauber gersten beilx. kornern in einer mass wassers / vn  
vier sebesten / vnd sol in dz zetrincken geben mit Sirup  
von Margran opfel / oder Agrest / oder Ribes / also dz  
man in ein trincklin gersten wasser ein wenig Sirups  
thū / vnd in der zeit sol man die obbeschriben glider be  
schirmen als jr gehört habent.

So aber durchschlechten vnd blatern sich anfahent  
zuerzeigen / als in blatern / so erzeigen sich die blatern  
als hirsch kornern / vnd in durchschlechten rötet sich der  
leib an / vnd sollent sie dz nachgeschriben tranck trinck  
en das von inwendig austreibt.

Durch schle  
chten tranck.

Vn sechs Feigen vnd Linsen den die schelff abgezo  
gen ist durch ein wall / ein halbs lot / Fenchel samenn ein  
quintlin / Die Feigen zerschneid man / vn sied es all mit  
einander in fünff quertlin wassers / bis es zwei teil in  
geseudt / vnd so es erkaltet vnd gesigen ist / so sei es jr ge  
tranck . Vnd wil man dz getranck krefftiger habē auß  
zetreiben / so thū man darcin drei gersten kornern schwer  
saffrans / oder mer nach notturfft.

Wann sol auch kind warmer halten / vnd inen über  
decken ein rotes tuch / wan es zeucht heraus von gleich  
nuß wegen / doch in sollicher werme / das kind wol erlei  
den müg.

Wann sol kinden die selbige zeit keinerlei wesserigs  
obs

obs od tranck geben dauones durchprüchig mög werden / wann die rür in durchschlechten oder blatern ist sorglich.

So aber die blatern zeitig seind so solman nichts vñ inen selbst auffbrechen lassen / wann die feüchtigkeyt felt einwertz / vnd werden die kind blatermaset / Süder man sol sie auffthun / vnd das aller sicherest das man diemit einem subtilen scherlin auffzwicket / also dz man der blatern die haut nem / so wechset sie nit weder zü / vñ man sol sie auch austrucken mit zepfflin / vnd in der selbigen zeit sol man sie mit keinē öl salben bis sie ganz dürr worden seind das sie abfallen solent.

Blatern vff thun.

So aber die zeitigen blatern nit abfallen wöllent / so magman reuchen mit Weidelbern dürr / oder Rosen blatern. Auch die Leilach magman beschwē mit Hirß mel / oder Bonen mel.

Cap. xxiiii. Von andern zufälligen Kranckheiten der kinder in einer gemein.

**N**ur kömen zufell / als schmerzen der hend / vnd der füsse / Dann solman sie ein weil legen in ein warm wasser / auch so die dan erkaltet seindt / vñ ob auch etwz zü heilen wer / das heilman mit weisser salb / oder mit glet salb / Wann man sol auch grossen fleiß haben / dz die kind die blatern nit zerreißen / wann sie werdēt blatermaset. Vnd so die blatermaset seind / so solman in dz also wenden.

für Blater maset.

Nimb subtil gepüluert glet / schwalben wurtz / vnd kalbes bein geprent / Mel vñ Richern / Reissmel / Melon samen / Bonen vnd Costum / jedes gleich vil / vnd  
L iij mit

Apöreck der Kinder.

mit wol feüchter schleimigkeit vō leinsamē / vermüsch  
es vndereinander in einr salbenweiß / vnd damit salb  
man das kindt gegen der nacht vnder sein angesicht /  
vnd morgens wesch man das kindt ab mit einem seck  
lin / darinn dinckelklei sei gewaicht / inn wasser gesot  
ten mit Viel öl oder Bappeln / vnd solichs thu man all  
abent vnd morgens also langes not ist.

Auch ist zuwissen dz den kinden kōment wartzgen / trü  
sen / vñ mancherlei ands / solchs gewäsch bedürffen sie.

Aber nit rats darinn / wañ in dem zunemen des al  
ters pwechst es dē mererē teil. Wo es aber nit geschech /  
so hab man darnach rat / wann es ist nichts daran  
saumpt.

Cap. xxv. Wie man die kind halten vnd zihen soll /  
so sie geend vnd reden lernent biß sie das al  
ter der sieben jar erlangent.

**S**o kind geen lernen / so sol man sie nit übernötz  
dz sie sich nit verrencken / weder an füssen noch in  
dem rucken.

Vnd wann die muttere verlangt so jr kind nit bald  
gehn wölln / so sied man stengel darauf dz kabas wechst  
in wasser / vnd wesch den kinden jr fuß vnd die büge dar  
mit abents vnd morgens / vnd so die kind trewen ver  
stehnd vñnd zū morgens auffgestanden seindt / so geb  
man in zūessen. Nach dem bad laß man sie kurtzweilē /  
vnd so sie mer essens begerent / so sol mans wasserbadē /  
vñnd nit vff vollen magen / wie in dem ersten teil ge  
sagt ist.

Vnd biß in dz sibent jare ist in ein zimlich speiß muß  
vnd



vnd milch zwischen andern kossen / die sol feücht sein  
von des wachsens wegen.

Auch sol mans ziehen in gehorsam Vater vnd Mut-  
ter / vnd in andacht gegen Gott / Also gewonheit der  
Kind gütter sitten ist inen nützlich an Leib vñ an Sel-  
Darumb übel gesittet Kind sol man ordentlichen vnd  
gemechlich gewenen zu güten sitten / mit gut vñ straf-  
damit sie an irer Complexion gebessert werden.

Zu wissen das man die Kinder nit zu hart in d' straff  
halten sol.

Vnd gute solln die vätter iren Kindern erzeigen / Auch  
über sehen zu zeiten.

Straff ist zu loben wann sie nit zu hert ist / Gute vñ  
bescheidenheyt wann sie rechte ordnung hat. Vnd den  
Kinden ist kleines übel zu übersehen / wann ein grössers  
dardurch vermitteln wirt.

Wer ist zumerckē / so Kinder sechs jar erlangt habēt /  
so sol man sie einem meister entpfelhen der sie etwz ler-  
ne. Doch sollen sie nit stetigs darob verbundē sein / sun-  
der sie sollen jr Kurtzweil darzwischen haben / Vnd dan  
so sol mans nit zuuul baden / vñ zu zeiten schweißbadē.

Auch sol man sie dann etwz ernüchtern lassenee das  
man in etwz zuessen geb. Auch sollen sie jr übung orden-  
lich vnd mit vernunft haben / doch nit zuuul. Vnd so  
sie von muß vñnd von milch essent / so bedürffen sie nit  
trincken dazu. Wann sie aber ander kost essen / als von  
fleisch / so solln sie ein frisch wasser darzu trincken / vnd  
nach dem essen so sol man sie mit fleiß behütten zwö  
der drei stund.

End der Kinder Aporeck.



AB: 58569

ULB Halle 3  
002 164 396




sb





WEGZS





# Weiber vnd Kinder Apoteck.

Das erst Buch.

Von vielen krankheiten der weiber/  
die zuerkommen/oder zu kuren/vom haupt an/  
durch den ganzen leip/bis zu den füßen ꝛc.

Das ander Buch.

Von rath vnd sorg/ so mann bei seug-  
lingen vnd gar jungen kindlein/ bis sie erwachsen/  
haben sol/ Mit vnderweisung die vielfaltigen zufäll/ so den  
selbigen oft begegnen/ zuersorgen vnd rhat zu thun.

Itzunt von newem auß der Apoteck. Orthonis Brun-  
felsij/verteuscht. Allen kindtbaren frawen/  
Hebamen/vnd seugamen vast dienstlich.



Getruckt zu Strassburg vum W. Jacob Cammerlander.

